

草庐吴文正公全集

一

二

三

四

五

六

七

八

草廬吳文正公集卷之四十六

送星學張雲臺

會到青臺問五雲  
授時歷法更精新  
江南今有張大史  
定許他年繼鄧陳

題十八學士登瀛洲圖

秦府開基萃勝流  
壹時傾慕比瀛洲  
瀛洲渺渺在何許  
我欲乘桴海上浮

永豐毛月厓及其子拱辰俱善談星數  
往往可竒  
中索詩爲賦二十八字

而翁到老談星數  
有子談星絕似翁  
我已厭人期禍福

只將凡事付鴻濛

五言律

贈羅叔厚

并跋

宗塾分重席而翁共一燈人琴兩寂寞裘葛十交承  
子能無恙遺經尙有仍談天況情妙門戶速興

字

予昔皆嘗同潛心羅貢士於宜川吳氏家塾講授其  
子淳老亦從予游潛心死且十年矣而淳老過予能  
不重予之悲涕乎五言八句寫懷時壬寅三月旣望

贈黃醫

并跋

善藥已三世奇功可十全爾能誠浩博此業更精專落

落猶泝統紛紛競蠟鞭因之增慨嘆民命付蒼天

月林黃季卿三世治方藥又能推占尅擇理座亦多  
技矣吾與之談蓋良醫也然質而無華誠而不偽不  
街鬻以求知而知之者鮮有能而人不知人之憐也

已何尤

別闈承旨書圖

贈篇題欲舊飛剡墨方新邂逅百年  
睽違十六春朝  
廷須老手館閣著閑身歲歲山中望文星麗紫宸

次韻吳元元道判

半  
耳目景響轉希夷  
奄忽流年運噫嗟悟道遲宗

家塵外客餘事世間詩共泛元元海何分海與蠡

送黃學志往京兆迎親

墮地已無父籲天帝有哀聞聲急走去見面早歸來夜  
寐不交睫晝行休問梅詩囊輕更好萬里渴心埃

題伏生授書圖

後死寧非數能言豈必男如何掌故耳未了異方談篇  
簡僅四七語音圍二三可噍千載下孔傳苦研覃

次韻程簿

鼈石真堪礪牛刀小試初已聞三月政更看一年餘時  
雨秧千并清風壁四隅絕知公事少有句下離居

次韻栽禾飯吟二首

農智專於此雖愚可與能我倉擬充積爾力實依憑野  
畝棊盤布高田梯架登苦中直樂在鴻適自如鵬

又

每負素飡愧飡粗不敢餘惕然存止足庶以老迂踈歎  
霞藐姑射避煬陽子居炎涼知迴絕日夜勉芸鋤

市山曾貢士挽詩

桂樹秋香老蘆花夜讖神百千億身田六十九年人刀  
犢風猷遠堂鱣雨跡陳平生康濟手宰木市山春

吉州司法董廸功哀詩

曾忝榜下士已餘二十年嗟嗟行跡遠忽忽計音傳哀  
體馳天外閑軀滯日邊歸來成宿草南望涕潸然

又

尚憶甲申歲慙懃荷款留得追季氏武遍踏古仙丘去  
日言重會來期不自由如今千載別此意悵難酌

又

氣岸魁天下詞源湧海濤恢恢客量濶卓卓立心高友  
梯古三代交游今四豪空餘影堂影白首一青袍

贈星禽陳小洲

每見星禽客談形更論情誰云衆飛走得似最靈明蛇

虎類多有風麟天靳生超然離六道問子可能名

次韻段錄事審囚勸分二首

兩間冬蟄久忽忽聽春雷脉通枯澤蠹心焚大槐  
一  
番原上雨洗淨燒餘灰收拾神功去東蒙石磊嵬

又

久囚形類鬼衆餓腹鳴雷皎月懸清鏡薰風到綠槐  
瘦  
蘇垂死命炊熱已寒灰但喜多全活何辭馬陟嵬

再韻酬蘭谷贈行之詩

立身後孔孟交友尙陳雷生意同春草清陰借夏槐  
兩  
間雙電目萬劫一風灰珍重兼金贈來詩更險嵬

又

火闕生初月江濤吼怒雷日邊雨復霽水裡火焚槐去  
去行舟柁溫溫煬竈灰面南瞻斗柄山嶠屹崔嵬

鄧恕軒哀詩

溪似武陵源吾嘗宿恕軒身無今眼節家有古田園  
豐陪賓客恂恂率子孫脫驂猶未遂揮淚望嚴門

送南雄總管之子皮昭德

豁豁凌公牧天然重厚人公侯宜有子才氣覺無倫異  
識超純綺英猷撼縉紳試能直可續佇侯立通津

薦峯范處士挽

隨會家聲遠陶朱世德蕃  
一身全盛美百代懿聞孫  
暇日詩書府春風花柳園  
斯人不可見突兀薦峯存

次韻鄭潜庵

故園花自好官舍草方生  
聯事期同協來朋喜合并  
未應公勇退且聽客留行  
一木千間屢支撐未傾

贈管莖師

滿腹天星玅經年地理師  
頗聞仙術闕未許世人知  
擯鼻山頭綦鰕鬚水面絲  
客中談不了重會在何時

送王仲温郎中之湖廣省

冰水清無滓丘山重不移  
保釐分相業贊畫得賓師  
宮

柳爭迎舞甘棠奈去思書生方卧疾遥寄教行詩

送富州尹劉秉燹如京

六載心如一今朝舡欲東我來期教教公去忽忽別  
意萬里外交情片語中自憐栖病鶴不得逐長風

送唐教導往見鄉先達

謂余將有適暫此輟絃歌城市囂塵遠山林遺逸多樹  
膏蘇隰稱涼意到庭柯為問躬耕耒憂饑思若何

金陵友竹吳君挽辭

二難曾競爽一出望齊飛接武年猶壯回頭事已非墓  
前題處士泉下得安歸死去偕而季應如造老微

題學詩堂

十知商賜可三百亦爲多而彼解頤者其如牆面何性  
情存諷詠倫紀寓絃歌最下能專對猶堪言語科

翁制屬挽詩

大隱居城市今之韓伯休活人深有德利已畧無求經  
絡傳新考衣冠儼舊游如何未七十吾涕爲翁流

送隣人元德之武昌

讀律已三世能詩新有聲忽辭親舍去遠作武昌行江  
漢秋風起孫曹故月明舊遊曾感慨送子倍關情

送國子學吳生歸爲世大父壽

兄弟各耄耋子孫仍衆多善崇三世積祥兆一家和華  
髮躋朋壽歡聲入永歌生歸從爾父綵服共婆娑

送李景仙歸湖南

外省天官屬前朝閣學孫甘心辭顯要雅志便晨昏卓  
卓廉能吏堂堂忠孝門此歸得模楷菊里有鄉尊

題大都姚氏爲祈助教辦莖費詩卷

姚氏施雖溥祈生最感深此恩天罔極吾報力難任惠  
利周千室歌謠抵萬金會令采詩者得被管絃音

送大明路儒學正赴任

今日崇文教儒風愧異時朝廷誠有道庠序久無師

矣能言鵝傷哉執飽狸似聞移古魏倘可愜深期

送梁必大知事之婺州

一見何倉卒相聞已歲年東州文獻後南國俊髦先士  
詫蘇湖教魁須岑范賢讚謀倘餘暇爲訪牧羊仙

題洪母熊氏墓銘後

堂封已十年孺慕尙纍然執技走天下求詩來日邊顯  
揚光淑德題贈富新篇有子能如此應知故母賢

贈楊教授并序

勅授武昌路醫學教授楊用安存心吾邑左港  
大姓也行醫出外已歷三世矣存心用藥治病

之外善診太素脉預定前程休咎耆數修短其  
術尤異因其過我詩以贈焉

醫業已三世藥功能十全脉精平且診事測數年前奇  
中嗟工巧預知疑佛仙期君還舊里共啓內經玄

贈杏隱車省醫

螢囊前哲行虎穀後身仙善藥名三世良醫功十全達  
官崇禮敬芳聞遠流傳陰德須冥報兕孫食萬錢

和劉尙友

挺挺詞林秀栖栖越嶠東幾年淹北鳳何日見猶龍郊  
時文中子談遷太史公萬金家寶在昭代定遭逢

贈熊景山造崇仁蓮漏成歸金谿

消長一壺水昇沉百刻籌範圍天用巧舟載地儀浮邑  
長政如此國工神與謀四時常不忒春意滿皇州

孤舟君哀詩二首

兵後去邑里城中長子孫師模儀郡序客席齒侯門年  
壽昔尼父風流今仲元有人紹家學身沒道猶存

又  
袞袞詞章偉融融笑語春今并雖不數夢想每相親別  
去京華火歸來墓草新遺孤尙衰經忽見倍傷神

天師留國公哀詩

物外煙霞趣人間雪月身丰姿渾不俗詞翰兩如神一  
旦天華隕千年洞草春皇恩在留國愈久愈光新

贈廣昌黃慶甫談莖術

似爾天年未而於地理精雖云師法好亦是性資明前  
聖六經在餘功一藝成及時培遠業風翻九霄程

豫章貢院卽事奉和雲林提舉晚春閑居舊韻

客裡秋光好歸心不厭遲墻低孤塔見院靜一簾垂隔  
紙聞風怒臨堦看日移宛然似三逕未負菊花期

又

晝日閑庭步秋雲萬里天眼前俱實際身外一虛瓶得

意渾忘老論交豈問年此中真樂在不要華山眠

又和張仲美韻二首

病減飡加進神清睡趲遲避風違北牖待月立東墀人  
寔籟聲寂天旋斗柄移有誰知此意謾說疇鍾期

又

迢遞知勝地縹緲到釣天動境風中葉浮生水上船有  
形俱待盡無住自忘年萬古中秋月嫦娥夜不眠

與張仲美別仍用前韻二首

鄉隣應怪我何以獨歸遲木末芙蓉發簾前果羸垂夜  
寒知露重秋老駮星移南浦今番別重來償可期

一  
又

已了公家事歸尋小洞天友吟留別句官辦送歸船夜  
月各千里秋風又一年但當頻寄字悃懇問安眠

美王彥飛父母受贈官并序

江西省都事太原王彥飛欽承朝命父贈承直  
郎母贈恭人此詩書教子之劾也臨川吳某詩

以美之

教子勤詩禮逢時列縉紳清華躋六品榮寵被雙親遺  
像朱衣艷高墳綠樹春報恩嗟罔極聖代勸忠臣

爲舒景春賦東臯

東臯種杏者今任杏花村收穀虎衛道街珠蛇報恩函  
紅開曉沴草碧驗春溫豈待閑舒嘯栢湖真有孫

奉贈林間上人

方外可誰語林間得此人弗從其師問乃與吾徒親  
燦心華現英英辭藻新試拋有爲法共了無生因

送國子伴讀李亨受儒學教授南遷

夙昔懷知己堂山德義敦恍然驚再世及此見諸孫  
胄五年客公朝一命恩今辰奉檄去光彩照閭門

題唐西平王李氏族譜後

勲業隆先代流波衍後昆西平十五子南土百千孫  
節

度開今派分宜有古墳縉紳從此盛不是出寒門

贈廓庵醫士吳君瑞

瑞也吳同出前無邂逅緣圓機活潑潑方士妙元元囊  
底儲良相塵中渾隱仙怕人問丹訣只道鍊凡鉛

傅居士挽歌

雲霄成鹿夢湖海老鴟夷樂境游魚在歸舟化鶴隨月  
魂迷郢樹風淡濕襄碑多少江南客助歌哀此辭

王子自壽

昨日辭京國通州岸下船年年此初度度度似今年快  
活神仙地懽愉父子天小成重入數圓滿大三千

追補故山長竹坡婁君挽歌三首

濟濟簪纓胄溫溫瑚璉姿  
洛園古衣履商嶺皓鬚眉  
友悌天然行溫莊學者師  
斯人無復見追憶可勝悲

疇昔聯名貢滔滔四十秋  
傷哉永離別值我遠遨遊  
自嘆歸來晚猶爲送往謀  
塋期聞已後揮淚洒林丘

丹旄荷塘去盈盈挽者歌  
不聞薤晞露空想竹緣坡  
積累餘家慶承傳定世科  
耆年凋落盡衰暮意如何

追補張萬戶挽詩

步文正公集 卷之四  
十一  
饗師開邊釁犇師失國禎英雄同一死天地鑑孤貞裹  
革骨無朽留皮身有名威靈存廟食過者爲吞聲

元榮祿大夫司徒饒國公吳公挽詩二首

賢父生賢子吾宗有此翁官階躋一品封爵視三公鄉  
里名稱異乾坤寵渥隆忽聞哀訃至老淚灑西風

又

公年八十五今去昔何來少賤老能貴生榮死亦哀有  
兒依日近爲父戴星回天上神仙侶人間經杖衰

元教真人張上卿挽詩

化鶴神仙骨猶龍道德章風雲千載會日月五朝光身

讓天師號心存宰相方山川效靈異冠劍得深藏

三十贈裴子晉相士

恠子拋家去歸來非故吾閱人如水鏡知己慎江湖宿  
雨添新漲春風滿舊廬匆匆又言別聊爲賦驪駒

百韻七言律

三十年勉學首尾吟四首

三十年前好用工男兒何者謂英雄世間有事皆當做  
天下無堅不可攻萬里行方由足下一毫非莫入胸中  
拳拳相勉無他意三十年前好用工

三十又前

三十年前好用工日間莫只恁從容養成驕習皆因富  
蹉過流光只爲慵人不修爲何異獸蛇能變化卽成龍  
拳拳相勉無他意三十年前好用工

又

三十年前好用工爲師不過發其蒙十分底蘊從人說  
百倍工夫自己充舊學要加新學養今朝不與昨朝同  
拳拳相勉無他意三十年前好用工

又

三十年前好用工過時力學強求通從頭莫枉青春日  
卍角俄成白髮翁旣冠當除嬰孺態居今貴有古人風

拳拳相勉無他意三十年前好用工

歌風臺

黃屋巍巍萬乘尊千秋游子故鄉魂  
韓彭自取夷三族平勃那堪託後昆  
湛露迄今王迹熄大風終古羈心存  
當時儘自規模遠誰起河汾與細論

過鍾湖觀訪雷空山不遇因見其所註莊子留詩

贈之

意羅絡三倉

遙遙第一寸緇分此邦前有王元澤後世詎無楊子雲  
吾取二書還註我何當商畧重云云

贈月鑑相士劉德輝

眼前見物定娉妍皎月當空一鏡懸  
大地山河三萬里  
先天氣數幾千年固知神識無塵滓  
猶恐仙機有度權  
上等相人非色相內觀元覽更超然

燕城

燕絡中原東北去吳通上國古今竒  
五千里外只如此  
數百年來幸見之弔望諸墳吾有淚  
擊漸離筑卮無知  
西山綿亘三關險日日轡車鐵馬馳

呈留丞相三首

峻望晴簷插碧空幾年四海想流風  
雪霜薺麥冬春一

日月蓬蒿晝夜同大欲托箕傳九法人能知惠畧三公  
吾儒實用有經濟事事論量及物功

又

春風座上誨渠渠萍水相逢納拜初生復得知前日事  
聞多端勝十年書正人以道自出處直道於人何毀譽  
或是堯夫竒叔弼敢云太史證無且

又

與世相違分陸沉半生藏息寄書林只今沂水春風樂  
千古寒江秋月心芥紫外遺尋尺利草元賓送十分陰  
此行大有遭逢處岱嶽高高河瀆深

用贈李燦然韶述懷

故里香秣滑欲流歸田計晚愧遲留懸知海上三山客  
塵視人間萬戶侯南去擬尋吳市卒北來喜共李仙舟  
元翁一室渾無白誰識王龔貢鮑優

墨詩壽趙中丞

老松換骨德元元來壽人間柏府仙描寫精神長照世  
發揮光彩上通天一真不受丹清變百物難磨鐵石堅  
耐久結交濃淡等清名留取共千年

題林西隱居

黃岩郭外道林西隱者居之人不知遠去世氛春日永

迺來鍾韻晚風遲從渠燕雀賀千厦得似鷓鴣安一枝  
想見吾興子昂字京華萬里寄新詩

和相山提點黃平仲

雲表飛來語誥盤新詩轉煥破春寒英英霞影籠扶若  
耿耿星光認莫千萬象滿前供物料雙峯高處築吟壇  
山靈更要衰翁記軒豁乾坤露兩端

送征東儒學提舉教正善榮還高安

男兒弧矢四方身直欲飛騰作貴人膝下數千餘里遠  
客中十又一年春乘桴豈愛九夷俗奉檄聊娛八表親  
此去東風歸袂軟故園花鳥亦欣欣

吳文正公集 卷之四十六  
依韻奉荅明極講主禪師

吾鄉平地絕梁關頗異危途費仰攀每想尋常超物表  
劇慙一再到山間有茶共啜促膝話無物可持空手還  
彼此相期崇令德不然重見有何顏

立春日寓北方賦雪詩

臘轉洪鈞歲已殘東風剪水下天壇  
臙添吳楚千江水壓倒秦淮萬里山  
山風竹婆娑銀鳳舞雲松偃蹇玉龍寒  
不知天上誰橫笛吹落瓊花滿世間

寄贈盱江名醫湯又新

一泓碧玉活人泉三世修功治行圓  
肯爲貧民甦死命

更令孝子壽親年麻姑昔日栽桑地董奉今時種杏天  
不借虛言作輕重實能世世大名傳

次別易耕雲

別去家山經幾年乍歸又着嶺南鞭雙眸眩眊番船載  
滿口腥醜海物鮮宵次冰霜寧受澤世間粉黛自爭妍  
年來共此青華樂日暖風和無際邊

書別李燦然

戊午進士  
嘉祐六年乃  
得代赴部謁選授通山縣尹在京共處月餘會  
予移疾還家又同舟而南將及廣陵爲賦七言

四韻以叙別情  
恭定乙丑九月晦日也

盛世興賢得勝流  
六年二令小淹留  
日邊晉受九天渥  
江上升遷百里侯  
史館西偏饜共話  
家山南望喜同舟  
晨民延頸需恭茂  
撫字催科定兩優

送幾泉石上人南歸

春風吹醒泉石夢  
一錫飛來到日邊  
世界空花俱幻爾  
家山老木故依然  
飄飄去住雲歸岫  
處處圓明月在天  
亦欲從師了耕種  
縣南郭外有良田

九臯亭

九臯界分與天寬  
小七圍亭暫憇安  
門外圖書聊作府

庭前花卉頗宜蘭清懷不遣塵埃到好句留將久遠看  
放鶴從教雲裏去也應回顧此江干

疊葉梅

羅浮夢斷杳無蹤冰雪仙姿兩兩逢縞袂怯卑寒後襲  
粉粧嫌薄曉來濃迎風一笑知顏厚臨水相看見影重  
道眼只將平等視玉環飛燕總天容

洪賓客席上次韻張希

遼海烟霞縹緲間千年老鶴未飛還聲名籍甚東園皓  
氣象蕭然陋巷顏韜卷風雲隱城市依乘日月照區寰  
不應便作歸來賦政要六鰲擎五山

贈劉浦雲相士

波流萎靡半恢諧，道骨仙風孰鑒裁。  
天壤已無機發踵，地爐設有火留灰。  
偶然鄭圃神巫見，疑是華山高士來。  
石鼎煮茶清話久，夜闌一枕鼻如雷。

題橘隱棋師

一片機心要勝伊，兩家敵手肯饒誰。  
塵間戲事何爲者，物外高人亦有之。  
四老果如神變化，二龍應笑俗猷癡。  
空花過眼俱成幻，無色界中觀此棋。

道山詩

回環湖水帶溪灣，彷彿瀛洲海島間。  
地上雲烟接天界，

壺中日月照人寰百年竹木青春在一院香花白晝閑  
只怕名韉牽引出雙成悵望幾時還

送國子伴讀倪書行簡赴京

歛灩離杯泛九霞還家未久便辭家出門惻惻重闌遠  
前路漫漫萬里賒不怕狂風妨去鷁偏愁寒月照栖鴉  
諸生凝望湏君至共賦新詩賞雪花

送肝江朱仁卿省親

貪天外慕一浮鍼愛日中誠百稱金萬里春暉燕雪勝  
六年宵夢楚雲深何煩楊子爲忠訓忽動何蕃純孝心  
歸去班衣無限樂冬初吾舸亦南尋

和齊年徐宰韻贈傳神黃義卿

地濶天高物物容未容  
汾曲老王通低頭自覺衰顏久  
對面誰加點染工俗狀塵深羞鏡裏  
藥爐灰冷在山中  
幾時割取好東絹寫我齊年作兩翁

孫提點舒嘯出示前姚司業南楨寫詠軒詩悵斯  
人之不復見次韻以寓感慨云

鸞仙縹緲度西山軒外千年水一灣  
孤鳥長空雲淡淡  
二虫小知日閑閑黃塵滿路遊雙鬢  
丹鼎何人鍊九還  
惆悵詩翁留綺句依稀真界鎖元關

寄題節孝先生祠

筓掃莓苔出斷碑輦將松栢構新祠幾年節孝先生行  
一旦淮南錄事知信是清門守家學能於濁俗拯民彝  
何當俛伏陳嘉菜喜爲陽羨遠寄詩

荅楊州盛子淵

多情示我四感興久別喜若參悟真視聽兩忘尤貴默  
貪癡淨掃莫留喚已知身外總長物且得家中有至珍  
處處楊州好風景瓊花常占十分春

送龔舜咨南歸有序

舜咨一出游觀京國畧不動世俗利名之想浩

然而歸其志趣之超邁可尙已詩以餞行

男子初生射矢蓬已包六合在胸中往年南北一江隈  
今日車書四海同快甚雙眸窺宇宙鄙哉百計入樊籠  
浩歌歸去渾無事栖碧山前月上東

詩贊榮侯父子讓官之美

會聞榮子猶然笑爵祿直同毳羽輕總總中人慳遠識  
區區物外起紛爭君恩及嗣寧私我父命如天合讓兄  
太伯伯夷俱第一世間列傳與齊名

題陳西樓記詠集末有序

樂安縣之水西流三十里爲東川陳氏世居其  
地前有魯卿以西號其園有國明以西號其樓

魯卿之孫國明之子定甫預胄監所貢士宋嘉  
定以後元大德以前題詠西樓者殆且百家俱  
當代顯達名勝之筆天時人事凡幾變更而定  
甫有子有孫保守斯樓百餘年猶一日襲藏昔  
人詩文至今罔敢失墜噫西園西樓二公之所  
積以施于久遠者其何如哉同郡吳某識于西  
樓記詠之卷末

東川混混邑西流前有西園後有樓五世兒孫兩朝事  
百年風雨幾番秋山間故物天心月卷裏詩人海面漚  
誰似君家竒寶在金膏水碧古今留

和竇神清惠教韻

觀海難爲湖與江兩間濶視更誰雙達人慣見鯤擊水  
癡士可憐蠅撲窓並轡何時追日馭戴盆終日望天杠  
嗟予耄耄君亦老敢比當年葛屨龐

宣尼吟

勸王一語嘗非孟孰識宣尼更遠謀才說爲邦兼四代  
有能用我卽東周楚惟令尹終難及衛有封人見最優  
適賜與由俱解此惜哉吾道竟悠悠

贈朱法師有序

中和守素真一法師洞真觀提點朱善正心淵

能秉誠心運直氣以感天地召陰陽祈雨輒雨  
余在金陵知之稔矣從天師北覲天師奉旨祈  
雨遄獲應驗法師與有力焉歸有日詩以贈之  
往年曾客鳳凰臺稔聽吾師救旱災  
厨掌掌中雷走去  
舉頭頭上雨飛來  
每嗟魃鬼火六合誰借神龍水一杯  
袖有甘霖岩下隱如何閑却濟時才

又

泰定再春花趣開  
顛顛膏澤潤枯芟  
吾皇問雨雨隨至  
仙伯籲天天未回  
後載進瞻新日月  
先鞭驅起舊風雷  
歸尋洞府還眞隱  
翠栢丹旌次第栽

元鑑言命詩以謝之

元空一鑑衆星羅柰此塵寰休咎何未信唐賢厄南斗  
又從宋代惱東坡萬生胎息蠟衣衣千古盤旋蟻磨磨  
化化中間藏不化憑君細說總由他

題大乾廟壁有跋

大業龍舟竟遠魑義寧狐媚忍欺人北方各署新年號  
商嶠猶遺舊守臣身合沉江甘殉楚心知蹈海勝歸秦  
塵間俛仰幾陽李樵水東流萬古春

隋大業十四年戊寅泉守歐陽公官滿歸至此

夫婦俱滿水死時楚林士宏長樂竄建德魏李

密定陽劉武周梁梁師周秦薛舉涼李軌梁蕭  
銑各已僭號割據而唐李淵迎代王侑帝于長  
安是年二月江都有變宇文化及立秦王浩五  
月李淵廢王侑而自帝以隋爲唐王世充以越  
王于東都公洛人也將安歸乎生蓋不如死矣  
噫公之心誰其知之後六百七十七年春二月  
朔過廟題壁

草廬吳文正公集卷之四十六終

身文正公集卷之四十六

跋

跋

謝公之公歸

王于惠濟

日李職憲王

安其年二月

魏合之於

密宗

缺之對六百小半小半春二月

山嶽安編平坐蓋不坡五

而自帝以劉武傳王世衣以城

聯林變字安山又立泰王出五

而自帝以劉武傳王世衣以城

密宗

草廬吳文正公集卷之四十七

七言律

次韻息窩道人

三年隻影落天涯望極南雲眼欲花  
道上已驚仙枕夢河邊誤泛客星槎  
棗梨秋熟供新飯菽李春榮滿舊家  
喜得息窩消息好黃金粲粲待披抄

次韻彭澤和縣尉讀書岩亭

恠石峻嶒自可尋劃開岩洞更幽深  
隱仙書響烟雲散太史字痕風雨侵  
舊跡一朝成偉觀新亭六角面窈林  
孝廉作此千年計淨洗人間塵土心

次韻酬彭澤和縣尉

石仙種橘舊成林孝子和侯重按臨自是儒流爲政別  
超然德度感人深底僚此日塵中跡卓行他年史外心  
客有竒逢癡不去天風浩蕩更秋霜

徐道川次文生韻仍韻奉呈

北行徃徃值齊年先後冥符豈偶然却幸筋骸尙康健  
又將步武接英賢行藏非我由天意久速何師賴聖傳  
况有蘭金同志在芳香彌烈守彌堅

歸舟次韻徐道川

齊來齊去好齊年只覺吾廬愧北川西日不溜持釣手

南風初試阜財天一舟汎汎身無繫十畝閒閒里有田  
尙欲超然遊入極可能共我話良緣

寄濟州張脫脫和

聖朝厚德徧穹垠騎置舟車待小臣弊倖宜防渙特職  
選掄不苟得儒紳聲家藹藹千人傑客席溫溫四海春  
郵吏向予談盛美短詩聊此寄情親

長蘆岸阻雪次韻張仲默二首

忽地瑤華數尺深天工妙手斂如鍼無聊客子與長歎  
有思詩翁動短吟誰與推蓬問僵卧自驚潑水透重衾  
轉旋真藉毫端力早起瞰陽破沍陰

又  
不管嚴風滯去舟且欣初雪兆豐收茫茫一白迷荒岸  
炯炯雙清卧勝流似此人間豈塵鏡恍如天上有瓊樓  
雲間日出情尤快千里金臺瑞彩浮

又韻張仲默

官卑祿隱儘年深古意常存不薄今本本原原知問學  
篇篇什什亦歌吟後生習氣多純袴先正流風一布衾  
志合豈辭千里遠相期晚歲共分陰

壽董中丞

直氣真心命自天風霜老栢正蒼然將千萬世壽吾國

先五十年生此賢甲子肇新初日度丑辰依舊斗星纏  
邦基身世同悠久敢賦崧高第二篇

踈齋廬學士和却奉使立秋感懷余亦次韻二首  
斧威直指可能禁鼓吹從容翰墨林公館月簾秋澹澹  
誰家霧閣夜沉沉喚回千古南樓興付與兩翁東楚吟  
休道鐵心猶解賦要人識取愛梅心

又

政爾煩歎不可禁秋聲忽忽動鴉林好懷恰與清風值  
浮翳俱隨驟雨沉江上清風頻入夢淮南幽桂又聽吟  
閑雲淡漠元無繫來去常如見在心

又次韻謝踈齋和章

昏倦群魔政叵禁忽然驚起立如林  
初聞仙樂空中下細認香材水底沉  
有句可陪薇閣老何人敢效玉川吟  
兔絲謾附千尋上喬木樛垂見古心

夜坐四次韻

物情自適更誰禁草際螢飛鳥宿林  
魯叟爾來無夢寐蜀莊此去只冥沉  
客中又見秋風起夜半初聞木葉吟  
涼意逼人眠不得坐看孤月到天心

晝坐五次韻

靜中不覺暑難禁况復身居七寶林  
槐國避焚卦蟻出

石盆趨冷戲魚沉蚊將伺暮深深聚蟬未知秋懇懇吟  
只有道人方燕坐清香一縷起爐心

石泉法師來自天京朝士有詩道其雨晴感應之  
速元元道判懇予繼作遂亦不辭

廣陵倦客困炎埃聽得仙官天上來歛歛陰霾見星月  
尋常掌握挾風雷居然三日祈禳事可是明時燮理才  
朝士有歌吾亦喜豈無餘福及埏垓

有畫影談命人於真州厚獲而去其門弟子繼來  
獨巧真堪駭衆愚有言有象立成圖天機徃徃多竒中  
人事來來亦偶符每見矚此叢鬧市又聞裊載去通都

老蒼已辦田巴計却喜升堂得是夫

客中卽事次韻元復初郊行二首

急雨連宵井也渾城居寥落似山村停披儘看書堆案  
絕飲空餘酒滿樽日有虛皇相伴侶時逢嘉客細評論  
青燈一室長如晝未覺門人四野昏

又

客中又過二分春聞道千紅百紫新雨到庭隅長芳草  
日窺窓隙弄游塵懸知萬里只如此孤坐一堂還可人  
不信却須凌倒景九天樓閣倚長身

次韻元復初飲歸

茫茫大地一漚浮底是劉家百尺樓紅綠春來春去樹  
清渾雨後雨前流所逢偶爾難追覓此處欣然即勝游  
最喜江南山色好晴雲無意自蒙頭

次韻劉縣丞漕運述懷之作

漕餉西來數百艘塵囂煩委雜朋曹量收庾積方贏取  
水惡風狂儘獨勞自顧壺中一粟小回思庭下二松高  
北山詩作東山廢好句聊堪昇海濤

次韻博士牛吉卿

隴西公所揖升階頗憶前時與子偕知有啼號惱韓愈  
喜無竇徑誤高柴官優雖曠存深慮病起能詩見好懷

此去天君常泰定客邪誰敢寇形骸

次韻送袁惟一遊盱自鄭館

已知柔日卜辛丁將破盱雲訪老程  
人事古來難甚快天容今夏更慳晴  
倘經華子宜留旬偶會麻姑亦寄聲  
未許先生終嫁衛早還鄭圃共尋盟

次韻謝友和二首

不作常途計有無信知律令要詩書  
堂堂手捧諸侯檄款款躬尋處士廬  
偉器期君天下用名談慰我客中居  
文章時出聊遊戲更待他年報政餘

又

公館逢迎眼倍明  
相山堂上曉風清  
飽聽江練新詩好  
轉覺濠梁逸興生  
柱後法冠他日報  
案前書第舊時檠  
三千牘裏有此客  
未要津頭便送行

次韻餞胡器之挾詩府驪珠遊江左浙右二首

疊疊青山曲曲溪  
客來恰值主人歸  
惟吾謬作劉公是  
知子可如陳去非  
悟處蛇蝎遺脫殼  
看時翡翠好毛衣  
清朝若定時流品  
指日雲霄向上飛

又

滿篋驪珠未是窮  
照人蜃海眩青紅  
慎投休惹群盲恠  
妙貫終須一線通  
至寶千年存異玩  
圓機觸處得元同

雪天送子江湖去春水生時吾亦東

贈謝兄遊齊安

謝氏蘭階有此奇鄭公檣散是吾師不甘鄉里浮沉老  
忽作江山汗漫思赤壁千年遺舊跡黃岡一日遇新知  
爲余喚起蘇仙夢明月清風無盡時

用魯山段綠事和李簽士丁麻姑韻時段奉憲檄

賑濟

伊軋籃輿從事衫泥途滑滑不巉巉急援野葶填溝壑  
敢避行難似隴函春氣頓回萎草木長林驚見石松杉  
一夫弗獲真吾愧誰道魯山非傅岩

秋孟讀書林中觀梅追和主人十叠之歌二首

讀書林裏樹林林獨向梅邊着意深  
人愛說香兼說影  
我看成實又成陰境清遠却炎炎氣仁熟中全白白心  
他日風霜冰雪後約來花下重追尋

又

黃金脫帶綠成林春在梅花深更深已悞坎宮藏一白  
從教否月長三陰殺機密密含生意實腹存存得本心  
無日無時不陽復識花試向未開尋

潛庵蘭思有倡和以示天慵而不以示余次韻索

之二首

南榮瀝瀝簷牙雨北牖颼颼紙背風坐久從教更漏速  
灰深宿得夜爐紅生來意氣都虛嚼老去情懷似小童  
頗怪詩筒俱走遍隔牆有耳却成聾

又

冷窻兀兀坐無悰聞有玉風續起風老我自知才思薄  
羞人斗覺面顏紅不嫌官舍喚寒客只怕詩家斥狡童  
唱和喁冷俱變滅到頭萬事付真聾

又仍韻奉答潛庵官長

自笑此生如斷蓬飄飄偶爾逐長風鑿通鄰壁一罅白  
分得書燈半穗紅韓叢詎堪儕陸老蘇門可是進黃童

公會四問伊人否愧我形骸尙瞽聾

送郭教授之英德

庾嶺梅花歲晚幽送君遠客嶺南州  
單車發軔雲霄路好句留題煙雨樓  
消解炎風成冷澹磨隴惟石作琳球  
聖恩敦遣光文化倘比唐蘇是勝游

送空山雷講師門人丹陵胡道十游京師二首

元經一足獨侯芭寂歷空山宰樹華  
大半門人立霄漢尙餘吾子卧煙霞  
小心慣煉補天石大膽能剗蝕月蟆  
去去奉書三詣闕却尋勾漏問丹砂

又

遠遊誰爲賦新篇來自丹陵小洞天拂日一鞭耶復爾  
御風雙袂已飄然快看鵬海三千里早證龍沙八百仙  
莫戀射熊春夢樂贈詩人在斗牛邊

次韻胡器之問病

鶯聲睨皖燕差池春到閑中日更遲偶躡清都陪淨侶  
誰知勝境卽良醫屋山月上元無夜樹杪風來似有期  
坐客屢談渾忘答問余還職在何時

題倒騎驟觀梅圖

玉妃一笑本無猜拘性驟兒去不回見面可憐交臂失  
留情聊復轉身來月凝絕艷鬢鬢遠風送清香款款陪

雪裏吟翁吟弗就過時却與惱癡獸

次韻袁惟一寄贈

薄伎聊堪比旄陶分甘負澹誤乘輶每慚檣櫟防賢路  
不廢菟薶荷聖朝雨露恩濃難報補煙霞疾痼匪虛憍  
多兄舊逕猶存菊紫蓋雲深望眼遙

次韻浩齋喜雨

巫鬟何許會爭憐甘澍真堪常醴泉才士幾分消渴病  
衆生一霎喜歡緣已聞龍德撫入極佇見鴻恩漲九川  
好便餘波供涸硯鋪張雅頌萬斯年

題西峯隱居

悠悠好景寄桑榆老向西峰自校書爭席樵夫便狎坐  
摳衣釋子任謹趨花香靜晝微風裏草色深春一雨餘  
城市通儒日沉醉還知醒眼看吾廬

寄題桂溪陳氏山居

斗邑西來谷可盤天教隱者宅其間  
縈紆幾曲豔原水  
突兀一拳蓬島山竹樹百年清蔭在圖書四壁白雲閑  
日長自對聖賢語鷄犬不驚人往還

次韻何太虛九日寄皮昭德時太虛將往觀山阻

雨留清江鎮余寓芸香樓

故故將誰冷雨催雲峰雲女是良媒不教每日乘標去

應爲今朝泛菊來遠岫沐餘增點染枯池滿後足澗澗  
樓中有景無人寫留取新詩待子回  
綠樹白雪亭詩并序

衆山嶒峯一峯尊峯頂新亭扁白雲百世清風松獨嘯  
千春化日草長薰掉頭直上別境界未覺寰中多垢氛  
北望悠然識親舍神仙元不離人群

樂安天授群山之間一峰巋然名靈寶山有四  
仙祠託焉山之北陲富者代興昔陳今游寔主  
茲山游氏宏道旣新仙館道寮又構一亭以望  
親舍扁曰白雲將求四方之能詩者賦之宏道

年少才優事父兄不違禮無世俗子弟之好而  
儵然有塵外雲山之趣清致如此可尚已

禱雨次韻耐袁惟一

晝日如焚夜薄寒早苗已穗欲枯乾薦饑恐見艱度食  
獨飽何能樂一簞自顧人微耕草野聊同巫舞禱雲壇  
老鱗挾得千年雨投鐵靈湫亟起蟠

盱江童氏重修善清堂

綠樹紅芳映酒卮朱甍碧瓦照清池百年老監善占地  
三世聞孫肯棄基浩浩乾坤小劫裏巍巍棟宇一新時  
相街扁字俱塵土消得江山入好詩

次韻王學士七夕新秋二首

煌煌桴鼓引雙旌道是天孫大禮成  
金鏡南飛光欲半銀潢西去寂無聲  
佳期一夕人誰見淫思千年事未平  
最恠河東五星麗却嫌抱拙要中更

夜來天闕透清香桂露蘭颿冷逼床  
肅肅刑官傳令到炎炎酷吏去人忙  
鷹鷂橫擊老逾健狐兔深潛類自傷  
聞說南樓新月色江湖萬里動寒光

王承旨壽日

雲漢分章作世禎此時此日鉅儒生  
千年嶽瀆靈光合

萬里乾坤秋氣清  
滿月有輝仍似昨  
彗星無數敢爭明  
皇猷帝制閑中事  
論道經邦要老成

題醫士陳氏意齋

百千萬變十三科  
泥古方書奈病何  
看取慈親求赤子  
有如姁女藉黃婆  
重輕按舉精思巧  
加減稱停活法多  
此妙不傳君獨得  
可能紙上覓機侗

次韻吳真人題侯講師損齋

已知無患在無身  
諸妄俱無只一真  
淨盡千林搖落後  
長留萬古發生春  
目官窅窅成朝徹  
鼻觀深深養谷神  
我亦易中研九卦  
喜從方外見畸人

題許氏時思堂

庶人於寢士於廟事死如生遠可追一世孝心傳百世  
四時享禮帥初時記文炳炳眉山筆家範優優曲沃規  
我欲因之敦薄俗不能自己更裁詩

賈叅政壽日二首

相業傳家幾百年天心爲國產英賢岱嵩嶽翠青千古  
嶺嶺溟涵會萬川垣北紫微瞻正色斗南黃道次新躔  
許謨辰告從容了誰信金門有隱仙

又

比山比阜比岡陵仁靜如之壽作明恒月半規圓有漸

臨陽二畫進方升回頭舊臘家家餞轉眼新春歲歲增  
妙運所期裨造化八荒一域慶同登

次韻楊司業

東風絃管沸樓臺處處游觀閑往來散地一般春意致  
後園幾樹好花開發舒情思將詩句領畧芳香付酒杯  
擬辦賞心酌美景呼童先與掃莓苔

次韻楊司業喜雨

好雨冥冥濕軟塵雪花艷艷更同雲蘇醒地肺萎枯脉  
點綴天涯浩蕩春九奏召和符氣數六龍在御慶華勲  
帝功不有歸元造元造無言跡已陳

寄題許氏文會堂

四海文游萃一堂講論不在泥篇章  
知爲糟魄書應貴悟得筌蹄易可忘  
染就恐緇域素亂且休眩臘鞭黃  
紛紛只說三槐記指擬功名付二郎

次韻楊司業芍藥

寒冱深冬宿異根發榮今日謝春恩  
淺糊半醉流霞暈清印初昏淡月痕  
花下蜂狂成勝集草間狼藉倒芳樽  
紫芝興味亦如此誰信京華有綺園

次韻楊司業牡丹二首

誰是舊時姚魏家喜從官舍得奇葩  
風前月下妖嬈態

天上人間富貴花化魄他年鎖子骨點唇何處箭頭砂  
後庭玉樹聞歌曲羞殺陳宮說麗華

又

公詩態度藹祥雲綺語天香一樣新楮葉雕鏤空費力  
楊花輕薄不勝春老成此日名園王俊父同時上國賓  
樂事賞心涵造化撥根未遜洛中人

題某翁慶壽詩卷

平生真樂在田園貌古心豪內外全有子有孫天上福  
無榮無辱地行仙義方何意祿三釜仁靜收功壽百年  
多少歌詩談盛德翁應一笑寘牀前

次韻寄揭造齋

遽使倉忙辦去船，月隨賓鴈到南天。  
懸懸兩地憶冰鑑，衮衮諸公事貨泉。  
宇宙無涯悲往日，田園有興待來年。  
浩齋風月吟何似，萬一分留肯獨賢。

送王國卿博士提舉郟西儒學

交公東北會分郟，宣父西轅未到秦。  
百二山河應似舊，一千年事幾更新。  
雍田上上古無敵，髦士峩峩今有人。  
國子先生時雨遍，萬家煙柳露毵春。

題送耿子明還家養母序後

三十婺居九十康，班衣兒子鬢毛蒼。  
分仙實來西極

萱老春花瑞北堂萬里遠遊雙足倦百年終養寸心忙  
蹇予風樹嗟何及爲爾重歌不匱章

題曹氏褒德集

蓬鬢蒼蒼適子孤追揚父美孝如初廉平一世文無害  
醫治千家惠有餘陰德將期駟馬蓋多方已富五車書  
阿誰能爲作家傳笑指空銜問粟儲

曹彥體易齋

先天河瀆龍馬出中古岐山鳳鳥鳴往聖一心開秘蹟  
來今萬世覩文明能知身內有周孔豈謂人間無邵程

三復曹君易齋說名齋難處是難明

題徐妻趙氏貞節傳後

爲夫終養志難耐代戍無丁重有憂家地雖寒兒可待  
所天或二妾誠羞堂堂烈婦道應爾衮衮文儒說未收  
誰輯世間貞節傳品量特筆擬春秋

題徐威卿學士贈呂子敬總管三詩後

薦賢學士久黃壤投老使君猶綠眉處處甘棠思美政  
言言華衮見三詩他年循吏誰能傳當日行人日有碑  
厚施在民應厚報天教上壽過期願

又跋壽詩

貳公宏化得直賢妙幹陰陽燮理權千載台星應山嶽

身文正公集 卷之四  
一時臘雪瑞堯天豐登氣象人皆睹參贊工夫世莫傳  
又起初元壬子歷年年皇慶太平年

途中代東監學僚友

疇昔何曾三宿戀如今已是四年淹朝廷禮意不相薄  
朋友歡情殊未厭日月無私光普照烟霞有約分應潛  
歸衫烏喉花香裏處處春風動酒帘

朝回再次韻

風吹仙樂下瑤臺閭閻中間翠輦來雲擁紅光千丈遠  
日行黃道九天開百官星拱環金闕萬壽雷聲進玉盃  
已覩太平新氣象四方犴獄長春苔

題簡齋陳叅政奏藁後有跋  
君臣密勿紹興中文物依稀貞觀風三幅奏篇存雅製  
諸家題字總名公已聞玉匣人間見空想銀鈞天上工  
百八十年如一夢摩挲遺墨視夢夢

紹興叅政簡齋陳公奏藁三幅其一謝御賜臨  
王羲之玉潤帖其二爲奉旨辨歐陽詢書直僞  
淳熙紹熙葛周洪尤謝楊章樓以至慶元嘉泰  
開禧諸名公題跋者凡十八人蓋百八十年于  
茲矣澄得肅讀感慨繫之臨川吳澄謹書

本末次韻酌劉監簿

本來麋鹿樂丘山何事鴛鴦絆棧桓  
嗚矣西疇趨東作偶然北海便南搏  
道邊老木留遺蔭江上輕風動去瀾  
君向洞庭我彭蠡水天萬頃共清寒

題御史謙齋瑞竹卷

相君遺下公安種御史重開私第祥  
潛作靈根長枝葉顯教清節傲冰霜  
真心匹配朱家栢餘蔭依稀召國棠  
如是四時如一日其看耐久保青蒼

次韻息窩道人遠寄二首

飲罷金盤玉露杯和陽消息到寒梅  
月華夜照崑崙頂雪浪春融灑瀕堆  
此事一行嗟便廢迷途未遠幸歸來

高齋火火高人跡砌面重重封綠苔

參同遍萬復同千早見先生發秘傳小智詎覘海鵬化  
大方應笑野狐禪息窩對榻知何日衲被蒙頭記昔年  
只作平常不寄恠金光明藏聖功員

送人遊武昌

丈夫落落志四海俗士拘拘守一途羨子春秋當壯日  
結交豪俊必通都孤舟驚浪千堆雪片紙長江萬里圖  
歷覽山川俱遍了歸來我欲叩今吾

送談星命往武昌

而父當年挾策遊高談  
雄辯藐王侯世傳法筏得三昧  
紗悟圓機說九流七緯  
台離天漠漠百生禍福水浮浮  
唯應黃鶴樓前月照古  
今人春復秋

贈僧遊廬山

安安穩穩萬年枝  
更覓禪林何處栖  
夜雨葛藤新長蔓  
春風柳絮未沾泥  
擬將江水一吸盡  
要與廬山千仞齊  
若問西來祖師意  
家園枕上曉鶯啼

贈羅心遠

拋却儒書出四馳  
談星說數舌如箕  
言言微中人爭慕  
落落多奇子自知  
海內清平應大遇  
溪邊邂逅適今時

轉鈞造命非吾事欲贈無財且贈詩

賣新贈杏林吳題頌

董仙採實頻收穀石子成名亦悟直重見杏林林下客

賸分梅嶺嶺頭奏一心惻惻生慈憫萬命懸懸正苦辛

我欲乘風問良相急投方士活疲民

寄題饒氏西園

近拜陸祠過東館遙聞饒氏有西園叅天喬木遷年代

遍地名花遺子孫雪檜霜松期歲晚露桃雲杏趨春暄

我生亦坐林泉癖何日飛來共一樽

吳日贈談命人熊景仁

畏日蒸蒸汗沃漿，忽移熱腦作清涼。定非戰國談天衍，疑是仙家縮地房。小住百年聊戲劇，大超萬劫有真常。眼前富貴飄風耳，此命堅牢最久長。

追補楊唐州挽歌

清風奕葉盛簪纓，共歎君侯好弟兄。家難未平千載恨，州麾豈羨一時榮。樹風夜撼凝香寢，薤露朝騰載路聲。報施如今天已定，鳳毛進進九霄程。

與郭友仁

賣得詩珠擬療貧，傾家豈意爲陪隣。逃亡已不升新穀，貧取猶將過百因。門下存誰能市義，里中無處可依仁。

爭如跳出樊籠外，粒粟應藏自在身。

贈地理鄒晞陽

單衣隻影苦羈縲，至寶携持欲向誰。  
剛有天資剛有志，善談地理善談詩。  
王門海濶裾徒曳，寒谷春進律試吹。  
認得田園真樂處，歸來堯舜是吾師。

和元夕觀燈

霞珮翩翩禮太清，星球燦燦簇華燈。  
恍如天上通明殿，豈是人間傀儡棚。  
仙樂風飄琅韻遠，御爐煙裊異香騰。  
新年共慶春和早，屋瓦無霜水不冰。

和陸景薦二首

步文正公集 卷之四  
自有人心百世公義門舊地築新宮寒霄宇內千蹊黑  
宿火爐中一燼紅我信先生猶不死誰知衆異總相同  
悠悠此道今如線無質空存斲鼻工

又

陸家賢亂世情踈頗或憐才命載車皜皜曾聞濯江漢  
亭亭距肯染泥淤靜觀天下輪雲事珍貯胸中祖父書  
一任歸車徒四壁知君斷不效相如

次韻別文穆

曾憶直賢也屢空身貧心泰未爲窮山中得得逢初雪  
筆下超超擬變風更有來今千載事可無往古十分功

想期不盡輸困意行色催人子又東

和答枝江令何朝奉有序

枝江知縣何朝奉在菴源別墅有詩貽贈時予

寄跡道觀讀書巴山之陰何詩末句云泗上籟

冠終不作子房久矣赤松遊用韻奉答四首

弱柳疎桐不奈秋蒼蒼松栢自難儔向來花縣留遺蔭

今去菴源上一丘無計參承空有慕有言貽贈敢無讐

詩才雖短猶能賦何日山林得共遊

又

生平關老凜如秋一旦番成老氏儔晉士無心入蓮社

楚纍有興托丹丘遁身詭姓耶依附誠行淫辭甚寇讎  
土木形骸雖混俗高人靈府與天遊

又

戰國于今幾百秋韓臣有子莫能儔傷心牛後資談柄  
拔淚虎前成故丘袖鐵沙中非失計授書圯上詎忘讐  
釋冠縱有興王分良豈甘從赤帝遊

又

世無孔子作春秋良遂儕諸平勃儔天授雖然遇龍德  
棧燒終是首孤丘非爲漢用爲韓用旣報秦讎報項讎  
不是功成身始退早年黃石已從遊

送李春谷往受道籙二首

龍虎山中紫翠煙，青精顏色四時妍。  
桃枝慣見枝成實，蓬海空聞海變田。  
五斗米仙真有道，一神樓藥豈無緣。  
秋風吹綠茂陵草的的黃金飛上天。

共世又

翩翩佳客破炎蒸，陟覺清風四坐生。  
敗道未平仙鶴卵，前知應笑野狐精。  
最多能後成諸幻，不二門中只一誠。  
此去徧叅方外了，歸來孔壁日星明。

貢院中和張仲美

牆外浮屠壓古城，案頭文字浩縱橫。  
不辭霜鬢年華老

又辨天朝歲貢英秋隴故園迷蝶夢曉窓客枕厭鷄聲  
何當孺子亭前去省想高風浣俗情

九日登樓

黃葉黃花競獻新德星來聚此相親雲烟暮色樓頭眼  
風雨秋聲客裏人詩興悠悠千載事酒盃盞盞一時春  
共期白首各自愛莫負乾坤八尺身

貢院校文用張韻四首

棘闈校藝日如年生怕談經說用燕執筆敢矜修月手  
稱心得似順風船鑿衡遇物元無意竹帛書名固有天  
裁決至公還似樂賡詩何惜費長箋

又

文弊東都六百年初唐猶似說張燕障川亦有回瀾手  
航海應無到岸船韓祖蘇孫星北斗周情孔思日中天  
與君共此談生事弊帚千金一幅箋

又

水驛相逢記昔年長蘆飛雪暗全燕棲遲闕下長聯步  
顧望山中各問船一去幾經槐國夢再來共對菊花天  
此行又別何時會倘有賓鴻數寄箋

又

與君相聚各耆年世路從渠自越燕元不東陵千戶食

底須西子五湖船  
牛刀綽綽存餘地  
雞甕區區看隙天  
似此唱酌亦云樂  
賸磨濃墨寫吳箋

和韻雙頭白蓮二首  
伯夷各允叔齊各智

花中君子志同芳  
簪合蘄流百世芳  
允智雙清耻周粟  
皇英競巧繡虞裳  
房蜂共蒂各生子  
麝麝連臍不斷香  
潔白二難相伯仲  
難分誰苦又誰良

又

花神亦有弟兄行  
幻出亭亭並蒂芳  
二佛同敷獅子座  
三閻賸集大夫裳  
金莖單捧雙盤露  
玉笋勾分兩臉香  
肥白陳平羞獨美  
齊各要共一心良

彭澤水驛和虞修撰

此非元亮幽居處而喜亦無車馬喧澍雨一時蘇鬱熱  
流風千載挾清寒林田舊治民猶昨柳岸新亭客避煩  
江面波神應冷笑會聞容膝可偷安

登孤山有序

延祐五年秋與伯生修撰憇彭澤水驛值江州  
推官畢侯來審囚棹舟登孤山有彭簿劉尉同  
遊因賦五十六字

三十年前東下時開蓬會賦小孤詩風濤如許相衝激  
天柱迄今無改移長願江流平似鏡坐看舟客去如馳

悠悠此日登臨意付與潯陽循吏知

題彭浪廟

絕岸孤峯已是竒彭浪對立儼相持海門第一關如此  
山崦幾多人未知險勢踰來似平地安心贏得賦新詩  
長江渺渺東流去會障狂瀾更有誰

重題峩眉亭

一亭突兀枕嵯峩此地會聽月下歌天上謫仙歸去了  
人間行客重來過荒荒宿草橫丘隴浩浩游魂幾浪波  
二百餘年招不得遡流赤壁問東坡

次韻答謝玉溪求墨

點染曾霑帝闕香歸來誰復寫凡將已慚交我無餘閨  
那得分人有寸長天與元元傳道玅時看澹澹發文光  
相期共印千年事遲鈍研磨不要忙

用韻酬梅月翁二首

梅如冰玉月如杯月十分清更着梅湖海舊盟鷗鷺社  
田園晚趣鶉鳩堆誓將結屋隣翁住喜見携詩爲我來  
何日得同花下飲不妨醉倒臥莓苔

又

踏遍東南路幾千詩名少日已喧傳老成更誦河亭句  
透脫真如曹洞禪尋究宗親知其本挨排行輩肯忘年

尚期分我梅花月生怕羅浮夢未圓

癸丑生日次韻酬黃山長

擬進華筵酒一鍾將行復止謾匆匆先天愧我十年長  
初度偶然正月同政爲蓼莪懸講榻又傳梅使寄東風  
有懷不寐夜參半熠糶文星麗碧穹

寄題胡氏園趣圃

地偏車馬少行縱天濶雲煙萬里通本本芥菘屢宿雨  
年年桃李媚春風孰賓孰主園如昨人去人來趣不同  
我亦謀歸理荒徑寄詩先到峴臺東

次韻魯司業二首

麗日中天下照臨。太平有象適當今。睿容穆穆崑崙厚。  
聖度淵淵渤海深。忠蓋世臣宏相業。敷陳治道格君心。  
小儒忝綴班行末。咫尺龍顏奉玉音。

又

天聽雖高肯俯臨。上稽往古證來今。覆盆局促難瞻遠。  
短綆尋常詎汲深。野老無知進芹味。朝賢有善見葵心。  
優優教胄歌詩暇。遺我簫韶不盡音。

澧陽通濟橋

澧溪南北往來衝。纍石成梁濟不通。兩岸步行三十丈。  
二年力役百千工。倉茫喚渡閑飛鷁。天矯橫空觀臥虹。

朝錫佳名史官記人人傳誦謝家功

題敗荷并序

聞中丞相公有敗荷詩甚工綴不見初詩見諸  
人和篇一二依韻謾成一首錄去請教

嬌紅久失六郎張黛綠殘粧更遇霜照影有慙同敗卒  
返魂無計覓巫陽三生傾蓋成憔悴一半披衣墮混茫  
畢竟明年青不改依然十里遠聞香

贈游遜仲有序

曼湖游遜仲有恒產有恒心又兼通伎術能相  
地之形勢察人之脉病贈之以詩

兒孫大旺皆因地性命常存亦在人一樣機關一同巧  
兩般伎藝兩通神虛虛實實穴易悞隱隱隆隆脉要真  
家富千金又能此此金無價永隨身

方塘詩爲匡廬山陰學道之士朱清逸作

億仞廬山有活泉幽人鑿池敢偷天縱橫四直可半畝  
上下一清藏大圓直景渟涵雙日月幻形變滅萬雲煙  
塵飛風起渾不管此處無波只湛然

贈楊醫士

飽聽人稱李與張名聲新起趙州楊已諳本草攻奇疾  
更遇長桑得禁方一刺能逃癡豎子十全當貳大醫王

汗顏寸技無知者日日堪題檢藥囊

贈洪均

洪門自昔推三秀族于今守一經拂日能來瞻北極  
乘風送去到南溟發身散地頭方黑當路群公眼爲青  
我在燕雲指吳會書燈光射斗牛星

題豫章紫極宮太古樓寄余傅二道士

經今億萬千大劫猶似天開地闢前一物亦無惟混沌  
幾時方有此山川乾坤謾自羲皇始宗祖應推象帝先  
八達四通昭曠眼昏昏杳杳入元元

雪巖詩

木長柔枯草長藤鳳凰岡下老雲仍清名寂寂無名叟  
白髮瀟瀟有髮僧晴霰撒珠泉噴薄暮煙凝翠石峻嶒  
寒山生怕人饒舌喚作雪巖渠不磨

贈相地者

莖術相傳自晚唐曾仙名姓至今香已看後輩成前輩  
誰把青囊換黑囊群護降龍來宛轉四橫朱雀去悠揚  
此言易簡人人曉玆在旁搜得秘方

贈術者

來過有客急延茶道是江湖伎術家身瘦恍疑華表鶴  
眼明會捉草中蛇巧思寸畝淇園竹麗句三春閩苑花

吳文正公集 卷之四  
似此多能應不困佇看天上泛仙槎

壽周栖筠

家傳茂叔易通書年與羲皇卦畫符貞下起元相續續  
一中生萬又初初儼然大帶深衣客伴此先天太極圖  
大喜歸來隣叟健手持壽酒慶新居

贈金精丁莖師三首

蕭田勝事億冰崖丁族聯婣亦盛哉疇昔笙臺鳳飛去  
只今華表鶴歸來雲霄萬里心仍在城郭千年塚可哀  
玩世元機饒戲劇混凡汕眼爲誰開

又

伏羲作卦伏羲重傳到丁家易遂東俯察根源該地理  
遠延支派擅天工節停去水便卑澤蠱壞來山忌內風  
二五正當生氣聚錦囊有法莖其中

又

古哲安墳遺舊蹤後人得術紹真宗毒眸遠賽天邊鶻  
健足生拏地上龍何處無神司采擇誰家有福定遭逢  
結廬亦欲娛吾老試爲雲間覓一峯

草廬吳文正公集卷之四十七終

絲蠶衣煇然音步時為雲間竄一峯

對吳王筓此土諳可窺無輒匠永對銷寒有韻

古晉安贊歡暫迴對人暫雨絲皇宗毒靴戲費天學

又

二正五當坐屏銀鏡藥沐哉整其中

獸亟去雁獸天工稍訢去水野卑躡盤輿來山忌內風

為燕軒待水羨重軒降下寒送殺東前察財然請此暇

草廬吳文正公集卷之四十八

五言古詩

次韻湖北程廉訪使歲寒亭亭在黃鶴山下有栢

一株竹數莖

黃鶴飛不回蒼栢乃小住千年歲寒姿深藏榛莽翳偶  
然剔荒穢幽意畢呈露生來本孤特疆使此君附作亭  
以面之相對澹無語雖蒙新知厚頗若違余素人間無  
霜雪天上有雲霧政恐挾風雷一夕化龍去

次韻南阜避暑

淋淫兩月雨悶悶鬱奇思翕赫數日晴熇熇燉厚地炎

涼與燥濕今昨頓殊異紅塵况囂雜清抱虞點穢可人  
忽來期出郭聊巧避翛然遺俗氛劇談到名理頗訝猶  
龍翁以身爲大累要知悟道人隨處得佳致有人傾家  
釀不飲心亦醉西日翳翳沉南風飄飄至之子玉雪標  
世德罔失墜能效工部吟肯遜柳州記斯文千載事曠  
代一角瑞莫逆只自知旁觀等容易孰識斲輪工妙在  
不傳意風雩詠歸辭聖者興歎喟從來山水樂獨許仁  
且智高視曠然寬幽尋奧然邃會心各欣欣如口有同  
嗜嗣當賦茲遊附入羅阜志

次韻靈輿避暑

書窓候曙色紙白朝復朝自聞雨聲斷不厭日氣歎  
襟夏籍爽萬慮春冰消空中九畹香飄下襲桂椒夜堂  
月影清劇談神境超曉轡露蹄濕前瞻天宇昭靈峰存  
舊迹方士構新寮共尋幽棲勝未計歸程遙忽悟種植  
理嘉禾生柔苗回眸睇仙娥示以髣髴髻叩頭禮阿母  
賜以婉婉嬌黍炊耶鄴枕樹響箕山瓢食已問前路征  
人趁良宵此時別緒惡風薰寸心搖明晨喜機動霞暈  
雙臉潮夢云蘭茁芽驚見梓附橋先期命桐君爲子歌  
椒耶登閣望芙蓉麻煙起蒸窰懸如父問子笑語谷口  
囂親歡怡怡奉客話款款邀廣屐足清美高田尙枯焦

吳文正公集 卷之四  
萃翁納溝愧長願陰陽調彼哉隔胸膜豢養祇自驕誰  
憐作苦者塵甑午腹枵道眼洞一視仁聲徹層霄脫除  
小窠曰蛻殼非蟬蛻

贈清江楊信可

往年踈齋老同看廣陵春起予五君詠字字春條新歸  
來西江上始識詩中人騷人已千載此土遺蘭孫吾里  
吳仲谷詩格逼盛唐視子倡酬篇與之鴻鴈行有文更  
奇古腹笥儲三倉清時需髦士停看天際翔

錢王講師分韻得波字

大君鸞鶴姿早蔭青青柯天風忽搖落匿影迹虞羅堂

堂少微翁濶視海一蠡閩山初識君有如歐得坡違離  
十年餘契義矢靡他竭來漳江濱千里重經過青眼兩  
熠燿白髮各擲抄朝飲共談諧夜燈對吟哦交情政爾  
歡別意今如何謂有神官招道妙相縷覩去去不可留  
船頭漾春波寅軒窓外月清夜照薛蘿頽然一翁老顧  
影獨婆娑我欲丐賸馥亦復戒蹉跎日極象山雲仙巖  
岌嵒峩幸君勿我遺頻寄別後歌

題詹澗草蟲

夏躍難語冰秋吟豈知春生不一年計百年影如新澗  
翁今何之見此不見人諸孫視予笑伸紙一拂塵

題熊生篆卷

隸輦趨捷巧人文浸湮沉滌網竟昧昧刀筆漫刻深自  
熊氏之孫夢寐史頡心姓名儻可託一字當千金

送謙山大師歸吳興

得此方外友知是吳中竒圓機坂流丸盜盎春浮眉偶  
坐竟日談聽之每忘疲倏來謂予去倚閭有親思如何  
初相噉不噉初初爨信矣佛性大欲離不可離歸語趙  
學士一笑問何其

贈孔知府致仕

賢哉孔大夫投老勇歸去喬木嘯清風寒花醉香露東

門瓜蔓長南國棠陰故循吏好兒孫餘輝滿庭戶  
談經次韻斐編修

六經在天下浩瀚若河漢東流竟日夜萬世資漑灌遼  
哉去聖久原遠末益散競持郢書說孰別魯鼎贗鷄鶻  
物之微猶自了晨旦云胡有目人莫覩星宿爛新安巨  
子出毫縷密分辨嗟予童而習弱質少勇悍續綆鈎其  
深事倍功未半吾鄉有奇彥京國逞縱觀顧予壘夢中  
快甚湯液汗鈔句發心聲嚴嚴氣魁岸相期五色瓜剖  
實得犀辨

寄董平章

偃蹇百圍栢受命雄以剛常時飽雨露晚節輕風霜昂  
昂參天質鉅任堪棟梁工師不敢材千歲保青蒼大行  
千里青突兀天下望偶然與雲雨變態未易狀神功寂  
如無日月共澄朗相期天久長爲世作保障天空澹無  
雲焚煌泰階平太微有垣衛今近少微庭俯臨自炯炯  
仰口漫營營中霄狠北望南極一星明

送楊志行赴閩海照磨效其體

負疴出京華息擔憇江介邂逅玉雪姿乘凌塵囂外嘉  
名昔屢聞良覲今一快談諧每欣豫晨夕數期會藉此  
慰羈孤明朝倏離北天書下司臬海嶠備寮案陽烏方

赫曦驛騎促徂邁去矣君弗留懷哉我奚賴

山亭題四皓圖

皓首出山來從容定儲宮儲皇已御極論賞將誰同飄  
然拂衣去詎敢貪天功飽茹石上芝坐蔭巖下松松顏  
鬱差峩千載餘清風

贈無名名理太古

饒陽太古父事事追太古宋相文正公世近未足數堯  
時大理官庭堅乃吾祖矻操羲皇琴筆繪虞帝黼詩和  
衢童謠字通頡史詰落落眼中人此事今莫伍雖然君  
四伎猶墮諸有罟厥初無名名聽視兩聾瞽誰哉鑿七

竅而以閱衆甫復還太古天予欲混沌汝

送涂君歸瀾

昨歲抱琴來今茲抱琴去委質隨長風斷蓬與飛絮一  
家蠹湖南一住西湖東兩地各繾綣一心漫怔忡浮雲  
豈無依倦鳥亦有棲迎門穉婦笑索果嬌兒啼歸裝春  
袖薄荒徑春華落理曲到求凰何人悲別鶴

代東會小軒謝馮筆蠟紙之貺

束縛中山豪寸管入時操幾微見鋒銳可敵古鋌刀江  
山有竅悟匪直取價高坡公詫葛吳蔡藻朱所褒邇來  
浙西馮聲實相朋曹小技足名世屠龍空自勞

又

變化惡木膚用舍堪卷舒蜜脾百花精漸漬鍊治餘外  
理透中黃滑澤玉不如甚慚負此寶誰解鍾王書心蘊  
託手畫耶以傳吾徒雖然是糟魄糟魄未容無

又

玉堂揮翰手歸賦田園居拂几淨無塵四友日與俱分  
昇墮深谷光輝潤蓬廬森森春筍齊澹澹秋雲鋪方金  
圖治棘任使正爾湏顧我焉所用卑身註虱魚

贈趙法師

公明師閩徐禁架竅一世夫君得竒術豈其遠苗裔符

呪撝可間立已衆疾癘金鍼刺畫影火炷炙衣袂凡目  
向故常詎測此神異小儒亦驚駭泚筆不敢議喚起范  
蔚宗函與續方技盛年倘遭逢榮顯軋五利

贈人求賻

德雨死數月家貧不能葬其子泣告予聽之爲惆悵予  
謂其子曰今日汝宜往汝父在世時滿眼知識廣高閑  
慣奔走所事盡豪爽資財幾饒裕意氣亦倜儻故人之  
子至寧不動念想生死見情誼眞實非勉疆應有郭元  
振錢送幾萬鏹應有柳仲塗金魏幾千兩堯夫清廉吏  
麥且五百饑子瞻酸寒儒絹具四十丈彼但抽氈毛此

已歸泉壤汝其試扣門佇看時盈帑予助嗟薄少忝作  
汝父黨蘇詩贈李明鄙語謾相倣

題唐隱士盧鴻十志圖

嵩高地中區下有隱者廬兩徵堅不起一至終不渝好  
爵等浮雲還歸對生徒官爲營草堂殊恩輝山隅爾來  
數百年十境入畫圖之子服儒服浸淫老莊書儻然有  
仙意生白一室虛三宿戒凝戀十境亦可無

題周御史所作梁氏貞節詩後

婉婉梁氏子蚤歸趙州王芳年未三十所天遽云亡煢  
煢無一息自誓如共姜斬苴三年終死穴期同藏姑存

養必孝姑歿哀逾荒服不施鉛華步不出閨房當路上  
其事煒燁門闈光客聞視父譽一字三惋傷知子莫若  
父事覈言有章貞詩御史筆凜凜風四方

贈純真張道人

深深息納踵綿綿神在谷小心龍護珠大用龜藏六閣  
戶坤吝嗇殺機天反覆解牛中恢恢顧虎外逐逐尺筮  
可萬世衆輻唯一轂於粲通行仙不緇澆僞俗朝乘丹  
霞飛莫傍青雲宿厭食羊千蹄縱談鷄三足長身日瓠  
美短髮黑滌沐取數已多多成事非碌碌風馭先赤松  
雪歌後黃竹來階石曼卿徃候張平叔

題畫蘭

孤芳慙遐趨婉婉媚幽人  
清露浥修嫵柔風弄續紛  
嘉名誰肇錫副墨傳千春  
欲起黃太史問之楚靈均  
國香人服媚可佩亦可紉  
猗猗空自香元聖爲悲辛  
騷人久不作舉世鮮識真  
哀哉化爲茅誰與招湘魂

江西秋闈分韻有序

延祐四年秋江西府中書省欽奉天詔第二舉  
進士典校文者七人或居千里外或居千里內  
一時磨至來集于茲晨夕相親亦云樂矣其將  
別也能無情乎乃九月九日開導暢飲登樓遠

眺秋意滿目悠然興懷酒闌以日月依辰至舉  
俗爰其名爲韻各賦古詩一首爰記良辰會聚  
之樂且抒異日離索之思焉

一天秋意滿淡泊散微靛羈棲滯公館眺胸忽已再佳  
辰邁九日節物兩冥昧東籬黃花吐應笑我安在天網  
罩群髦驅使及我輩白袍蟻蜂聚黑字蛇蚓態居然三  
千牘負以幾牛背妍媸屬鏡鑑踏駁混鉛黛披條索其  
華掇頡紛瑣碎臨文費三思撫几時一嘅皇心天廣遠  
鴻澤海汪濊歎歎際休明光垢勇礪淬誰能日鋟耨沃  
衍有荒穢繼今獲小成力學期大耐異時國君臣彪炳

麗昭代此中斷金侶清氣浮沈澗縹緜膠漆情頡頏  
瑤珮忽謂歲華徂共希賢哲配道崇極所躋厚德重彌  
載臨別無媚言努力各自爰

登撫州新譙樓

至順壬申十有一月下弦之後登新譙樓緬懷  
王丞相陸先生之流風成古詩一章奉呈同志  
諸友

吾邦山水秀雄麗冠江右巍樓橫中天濶視納宇宙懷  
哉二箭聞吸料得醇耐身操冬雪明心田秋月穀運轉  
八絃鈞繼續百聖胄純氣古難齊卓卓尙微疚嗟予二

三友高舉第一手粹糜五色石密補二天漏

至順壬申十一月郡新作譙樓部使者郡監若守

請先生觀焉先是先生以第三子京教授郡學來

就養焉登樓後賦此遂出城竟歸其鄉嗚呼先生

此詩之作至於此有不得而自已者矣昔者曾子

著大學之書言修己治人之道而中庸之書則子

思子夏道學之失其傳而作者也後千有餘年程

子曰周公沒聖人之道不行孟子死聖人之學不

傳道不行百世無善治學不傳千載無真儒嗚呼

此豈可有幾微倍繆疑惑於其間者乎陸先生王

丞相寥乎天地之間氣卓乎千載之豪傑殆非臨  
川山水之得而私者也然而臨川有如是之父兄  
君子也豈他郡之所可望哉吳先生微疾之言盖  
有慨於先哲之所深憂者矣明年六月先生卒嗚  
呼此集之所謂至於此而不得自己於言者乎先  
生之門人袁明善求集書此因識其後云至元己

泰宰卯七月既望虞集書

七言古風

雪谷早行爲張允中作

路絕人蹤失關隘槎枒老樹森牙介兩間寥廓淨無塵

吳文正公集 卷之四  
誰剪天花遍飛洒風絮當頭零亂舞茲游浪說平生快  
蹇駑瘦骨豈耐寒踏破鴻蒙新色界應不是竒模李常  
侍夜發文城薄淮蔡又不是直諫韓侍郎遠謫潮陽出  
秦塞面梨凍帖髭綴銀何事催君早行邁君不見古昔  
閉門僵臥人高似灞橋驢背償詩債

贈道士劉季榮并序

白鶴觀道士劉季榮號清直師生平以能碁游  
四方諸名公莫不敬禮携其所得贈言示予就  
徵予作師既老且貧又無法嗣若有不釋然者  
爲賦長句以開解之時予移疾客劍江寓清都

觀

清真劉師八十一行脚一萬四千日鶴身七尺擢而長  
鵲取雙明黑如漆盛年狡獪稱善奕覆下百子無一失  
貴人達官爭出迎鉅軸褒辭總名筆老來歸卧吳皋濱  
密房春富飄餘芬吾師掩鼻自顧影齒牙半落舌空存  
師曾一局春幾度底用厭厭怨遲暮筭盡輸贏祇自誤  
阿誰悟得碁中趣一枰白黑都収去試問虧成在何處  
此碁不分三百六十路只是中間一路當其無處師識  
取

極高明亭

空中玲瓏八面窓虛境純白開天光山河幻影障不得  
秋毫歷歷洞八荒大鵬凌摩九萬里九萬里下俱莽蒼  
彼哉坐井窺管者鴟鴞夜撮捨榆枋向來東極產素王  
常登泰嶽俯下方雙輪日月萬古照盲者不識庸何傷  
人人具此上下四方眼請爲拂拭聖孫心鏡三十有三  
章

郭司令歸壽母

及親三釜亦云樂違親千里寧不惡養志雖分孺慕癡  
愛日宜逮春暉時郭家弟兄好男兒辭官歸來壽庭闈  
慈顏歡笑引滿飲幾年兒去今朝歸

題東坡古木圖

當年眉山孕三蘇會聞眉山草木枯長公拈筆作仙戲  
老木槎枒動春意信知造化在公手一轉毫端活枯朽  
此木一春一秋一千年與公雅文峭字永久同流傳

次韻楊司業

春夏華榮變衰歇頽飈刮肌山露骨騷人望秋悲沉寥  
忽見小春梅蕊發頓然喜氣排寒冬不管天令嚴鉄鉞  
古來蹈道如蹈冰與泪與齊偕出歿坐中白畫對羲皇  
門外黃埃自城闕只憐郭璞註蟲魚或誤蔡謨啖蜚虻  
爭似冥冥雲翼遠靜看滑滑霜蹄蹶公桑十畝邇洙泗

我菊一區連楚越懸知真樂在曲肱到處扁舟堪散髮  
我能振袂從公游分我南溪半風月

題劉祕書贈劉德明字說後

劉仙校書天祿閣宦情一似晴雲薄三載歸來鬚漆黑  
高談空中響雷雹楊子江邊槐柳濃散髮薰風小盤礴  
笑傲月林清絕處窻戶重重啓關鑰吾家先生此行窩  
歸夢未須繞衡霍枕中鴻寶我祕書驚倒伊人得家學  
贈言勗汝明德明三百明珠光錯落夜深持向月下讀  
林下夔猶千里却不要青黎太乙燈自有萬丈流輝照

寥廓

題羅漢過海圖

阿誰解衣盤礴羸作此中乘第一果等閑地獄駭屠沽  
如許風浪無不可巨浸彌天靈惟百現前幻境元非我  
騰踏逍遙容易去只有虛空無障褻般若岸金剛山超  
登只在霎時間爲吾說與諸尊者更有海門關外關

奉還師授小藁

張家兄弟真二難天才患多不患慳好詩三百三十首  
高人擬刪不可刪聯篇累句採摘出奚止窺豹見一斑  
丹霞皓月浸秋水青烟綠樹明春山神情飄飄已天外  
縱跡落落猶人間如何塵中著此客問駒吾欲叩九關

雪峯歌爲傅應先作

廬山幾千仞，喘嗽上有五老仙人餐。玉屑玉屑多多餐，  
不盡拋撒漫空舞。霏雪幻成瀛海五神山，不假白銀作  
宮闕。玉清眞境無色界，俯視人間俱蠓蟻。三冬元元獨  
皓皓，掩蓋郡污同一潔。從渠下土訝高寒，美酒小兒夸  
煖熱。願聞廬峯景萬變，麗日融春秋。霽月亦有煙霞雲  
雨風，唯有雪天最奇絕。君不見西蜀雪山半年凝不化，  
豈識斂手神機弄詭譎。又不見東維陪尾百世留餘光，  
來此偷取五老仙人餐。玉訣雪中峯頂揖老仙，呵手一

壽劉丞自有序

確齋先生年登八袞舊友江西吳澄寄詩爲壽  
去歲公年七十九我共群賢祝公壽今年公壽八十齊  
我已還家在江右江右望公五千里坐想音容如尺咫  
我公歷遍翰苑官八袞堂堂老丞旨公家壽域極天峻  
彌仰彌高世增累公前我後許躋攀梯級已成因舊壘  
公今具足五福疇我更期公百不憂蟠菴豈待三千歲  
夜夢仙娥薦石榴

湖口阻風登江磯山觀濤

狂風吹人渾欲倒瑟瑟寒聲動秋草  
桐蘿徑上磯頭山

萬頃江湖波浩渺，怒鱗雲鬣奔騰來。眩目快心千樣好，  
向曾觀海難爲觀。回首匡廬青未了，元雲作帽深蒙頭。  
五老藏昂元不老，何時月夜水鏡淨。潏湯澄虛納蒼昊，  
著我峰尖伴老人。坐看海東紅日杲。

輔夫人慶八十詩

任南夫人八十歲，視明聽聰德溫惠。子佐大梁丞相府，  
孫分千里諸侯寄。聯翩采服梅風暄，阿孫拜後子拜前。  
一時慶事實希有，此慶流衍端有先。任南公如朱絲絃，  
平反十九人不寬。高門車馬固餘事，福報泉湧來源源。  
宰屬瑚璉白玉堂，州君蘭茁初春芳。天然德器家之寶，

未論品秩袍笏光太常序筆煥瓊玖翰林李家詩老手  
盛事喧喧閭里傳傳之他日鄉青編我曾有堂號三樂  
人羨人誇難強學如今回顧只潛然畢竟蹄豚盃酒祝  
禳田多公一門母賢子賢孫又賢賢德所萃天所憐天  
所憐慶綿綿年年此日開壽筵從今八十可至八百更  
八千

題劔池驛樓詩舊日寶氣亭今撤而爲樓

雙龍飛去已千年斗間紫氣夜黯然却今徃徃來來客  
坐閱朝朝暮暮船天地與亭俱傳舍舊毀新成更代謝  
舊亭不見見新樓新樓誰作今州侯州侯溫溫廊廟姿

步文正公集 卷之四八 十五  
三年涖政民不威政成遺惠及賓旅又與江山發新趣  
昔舊今新新復舊劉郎去後何人冑樓新樓舊謾勞心  
江光山色只如今著我憑蘭觀水遊游目兩間尋寶氣  
猗嗟世上無張雷有缺莫彈歸去來

八下 題女真調馬圖

此是女真調馬圖百年盛氣豪中區後來更有精疆者  
覽圖撫事增嘻吁上古神龍負圖出豈必驅除湏此物  
誰其却之服糞車欲盡此時無此筆

次韻蘭谷東寄

子行過此不少薦翩然一葉東下舟聞之追及鄧林觀

望極黃州洲外洲觀邊得憇皮氏館出子詩句談因由  
五峰新月曲如鈎同觀有客可人不早還赴我避暑約  
約到佛山山頂頭

次韻玉清避暑

屢西水北有佳處五月六月冷冷風移將上界清淨下  
豈與塵世熱腦同若人睡厭黃瑠璃曉夢驚走紅守宮  
起來忽忽動逸興倒指疇昔閑過從相邀采真無何境  
嗒然熟視誰長雄談邊了悟蟬蛻殼區中局促烏在籠  
盃行笑語各忘倦西景徐射寶藏東歸來賸帶煙霞馥  
一眉初月浮高空新詩追紀昨遊勝泉思湧出清無窮

善觀慙我非李子世業早已荒壽夢况加白雪不易和  
欲待他日不匆匆坐間政爾揮白羽門外又報來青童  
和篇兩地一時至燦燦星斗羅璠穹旋溫鑊湯抽繭緒  
陡覺平陸生竒峰擬代移文謝幕府且卷愁玉還冰翁

又

至人逍遙隘八極九萬里外凌剛風山林果佳亦可愛  
喁于互答萬不同塵囂近市那得此清冷幸有仙聖宮  
炎天赤日汗如瀉美人邀我閑遊從涼風颭颭披衿受  
誰與宋玉論雌雄飲酣頗厭斜照入上訴欲借輕雲籠  
晡時主客各散去水南水北分西東繞纏竟墮綺語業

轉頭未遣諸有空碧梧公子逞秀媚紅蓮幕賓欺寒窮  
小心旨甘示晉弱大膽一喙吞楚夢繡段贈酬一至再  
錦囊馳遞遞更匆我才拆襪線苦短如彼采木山已童  
倦鶴低摧合鳴啄有時嘹唳聲振穹詩成滿意手自舞  
漸覺黃點森眉峯數莖髭白撚未斷覽鏡依舊皤然翁

張道人開華蓋山路

我家紫元洞天前仰視洞天與天連羊腸佶曲石确犖  
每欲飛上愁攀緣道人可是堅願力開闢大道坦坦然  
一躋從此出世外看我直透崑崙巔浮丘握手筦爾笑  
與子別去何千年

和王講師食官長吉州俸米飯長句

公不見鄭老襟期人未知杜陵野客道是真吾師豈嫌  
官冷飯不足令人傳播坎軻詩又不見王子求仙未當  
癡滄松啖栢自可求不饑得浮丘公接引去吹笙大醉  
直絕竒如何白頭鰲頰黃塵裏閩山千里趨江湄恠事  
怪事一怪之有鉢誰爲先生持先生筦爾笑余陋天涯  
海角只此藤一枝片雲孤鶴任飛去雙轂隻屨不要推  
挽不要提逢人得醉且共醉烏論行藏近遠宜不宜三  
人肯與飯一匙可三千載不語離吉州米飯何足問東  
廣等處皆當爲吾發運克度支我笑先生太貪饒何異

啼叫索飯兒假饒便便經筭作飯袋舍衛大城千百十  
衆一食無猜疑瀾翻三十二句偈不肯割捨一飯恩愛  
將報誰先生微笑面壁西答云未可三千二相觀如來  
吾言元非直語實語者觀吾要在大寐不食無言時

題柴氏悅親堂圖

柴宗貴戚昔婢媪有后有帝已越三百年柴氏孝行今  
延緣有圖有詩又越三十年貴戚幾時降爲庶孝行百  
世芳猶專畫圖歌詩悉與草木腐惟有彝性不泯長終  
天晚周何啻一千五百載至今人慕參與騫後來史書  
亦立孝行傳柴家子孫孫子尙勉旃

步文正公集 卷之四  
亦止詩十二韻留別治書相公干轉呈中丞相公

昔年曾在京華見此日江干重會面天然粹美金玉相  
學力愈深筆愈健帝分清廟瑚璉器往正南疆十司憲  
敬從厥長猶父兄協比乃僚等期援務存大體已嚴重  
肯作小才須燿炫沉思聖代設官意普愛遐陬若幾旬  
爲恐螟蠹害嘉穀年年遣使巡行徧龔黃卓魯不多得  
期扇廉風滿州縣云胡百川漲渾流宋子齊姜亦倡賤  
閭閻耳目駭視聞何道能令習丕變一時栢府俱正人  
潛運化鈞速郵傳外垣執法終夜明比望紫微遙睠睠  
會君希轍以道法遊諸方徵予賦詩

神仙方伎會聞語道術根源誰作古靜守元神非寂照  
動驅祖氣因想取認將平地是烟霞變幻晴天忽雷雨  
有符坐制物魅伏勿藥立看民病愈嗟我侗顛殊未解  
多君狡獪能如許侍宸靈素今遠矣好往諸方鳴法鼓

玉霄詩贈王成教論

玉霄山人通身酒淋漓醉墨龍蛇走偶然山邊行一匝  
攬取雲烟十之九如何止分山半截不謂此山可全有  
歸來小立象山巔俯視群山俱培塿

八駿圖

陰山鐵騎千千匹兩鬣霜蹄神鬼出風馳雲合暗中州

躡盤東賓西戲日豈皆騷裏與蜚黃拓土開基功第一  
忽於紙上見八駿穆滿所乘最超逸如今已死骨亦朽  
漫向毫端想毛質當時造御天上藝僅到瑤池王母室  
暮雪霏霏黃竹歌日行三萬竟如何逢時莫問才高下  
只與論功孰少多

題玉霄贈西山胡氏筆工

醉餘用筆睠顛張醉餘得意非風狂固知筆貴鋒中藏  
胡家洪筆耐似杭工書者聞吾未試因是是之誰敢訾  
一望茶坊酒肆中壁上家家玉霄字

贈寫真劉壽翁

黃州橋邊侗儻人號曰相山劉寫真眼前名士描貌遍  
亦及中林麋鹿身生來自揆形相惡赤準高顧面如削  
武夷擢舟歌九曲洛社深衣圍獨樂人言相似我言非  
只合幼輿置岩壑可憐筆墨誤點染疆使垂紳望臺閣  
聖恩天廣覆群臣百年勛闕長如新誰將子上南薰殿  
爲寫褒鄂光麒麟

龜室

天火不雨人家沼中水竭泥燥見一龜朝朝避  
日無可藏伏隱蔽之所命童甃甃爲室以居之  
嗟汝至靈物見汝亦可憐曳尾汗泥中曝背枯池邊朝

晝暮夜露甲殼勃率蹒跚倅郭索西徙東遷避炎熇旋  
遶不停周四角旣無清冷之水可洗濯又無虺蠃之穴  
可寄託幸不遭豫且傷不逢孔愉狀今命童奴甃甃作  
爾房非無楚相穿窟室聊以幽公穴陶復嘉汝不與鷄  
鶩爭啄粟嘉汝不與豺虎爭噉肉日精月華自可實汝  
腹何營何求自可安此屋豈須蓮葉然後出游息豈必  
著叢然後入藏伏慎勿輕易泄靈智預人家國禍福事  
將府汝以山藻之節稅將襲汝以廳堂之巾笥與其君  
王所寶榮且貴孰若野人所恐辱且棄嗟汝靈智誰可  
同能與汝友惟神龍偶然行雨凌太空還當與汝相守

壽筭天地無終窮

送里中星禽人往廣東省兄

蛟龍變莫測虎豹文且威昂然馬牛大叢爾蚓蝠微是  
何區區者而盡化化機猿鶴沙蟲果類應百千萬種未  
可幾吾嘗問天天不語惟見碧空夜夜流清暉里中斯  
人傳祕妙形形象象四面圍所安林藪悉羅罽洞視情  
性兼瘠肥敢將物賤擬人貴謂有百無一是非擔頭擔  
術庠嶺去廣蛇潛蟄江燕歸難兄執筆司福禍萬命懸  
寄一手揮二十八禽休細辨好在天際眷令鴻鴈飛

壽王講師

吳文正公集 卷之四  
欲雪未雪雲黯黑不知此日神仙謫桃實今經幾度紅  
梅花仍似當年白厭向閩山食荔榻喜來江浦訪鸞簫  
廣文客舍寒如許自有春風長藥苗

題米元暉山水

一水兩山間水如練帶山如闌昔見江山似圖畫今觀  
圖畫如江山米家下筆亦等閑盧家珍襲同瑤環一朝  
身後落人手又爲好者開歡顏我家一幅廣長畫朝夕  
對之如列班有力莫偷能奪去常清常白色不黯若將  
此幅與論價讐金何啻千千鏤

送真楊師遠遊

黎君曾着祖生鞭，銜石欲把滄海填。  
風流雪散事已矣，何處韜藏三畧篇。  
如今老去視顛顛，反耕築室治寸田。  
古來豪傑多神仙，佇看騎鶴凌紫煙。

如齋詩

五金同人火冶爐，洪纖厚薄各異模。  
孰高孰下孰修短，孰爲不足孰有餘。  
浩劫變成只湏臾，百年何事分戚愉。  
至人謂性不謂命，性惟一本命萬殊。  
若家畫出太極圖，誰知太極本來無。  
道有所如還不是，如如不動乃真如。

印千江月來軒

千江有水無人吸，江裏月來何處入。  
若浮水外入江來

水浸月輪應解濕在天一月在江千月還同一月圓  
水中月影元非月無所從來月在天

羅漢圖

四大假合成幻身大地山河俱幻境  
倜傥奇礫何十六尊得遇世尊爲  
摩頂諸多伎倆近狻獠雖未大乘  
亦機警有能領取像外意閉目超  
然發深省畫人漫灑毫端墨  
觀者只疑燈下影慈尊長閱衆生  
癡直到于今癡不醒

贈畫史黃庸之

混漢誰是老畫師幻出形相萬不齊  
如梧如竹如桃李如冰如雪如虹霓  
堂堂人中廊廟器淡淡物外江湖表

獨予醜惡類蒙俱執拘頗亦見頰頤古來伊周匪易爲  
老不用世免諂譏黃工筆意更神竒寫徧麟鳳到麋麋  
付與鄧林嘉客去歸挂壁角儕鍾馗豈能夜深吐怪犯  
牛斗或者歲久化象乘尾箕

自牧歌贈僧自牧

曾聞牧人處林下擊鼓用兵先喪馬又聞牧人穀與臧  
讀書博塞俱亡羊嗟爾牧人何所務務在留心常管顧  
吾師條繩縷定水拈牛不容斜視畧回頭有時純熱鞭  
不動來亦無擒去無縱毛羣齊足不亂行人生自得兩  
相忘大衆茫茫少閒暇誰非喪馬忘羊者

送時中內翰

氣燄龍光上衝十才謨牛亦新發硎芳菲拾盡禿汀若  
竒險楚屈號湘靈會聽姚程二公說相期冬蟄轟雷霆  
如何不留掌帝制而使泯泯猶風萍里曠不羞見者走  
衆醜共媚孤娉婷山玉厓珠豈終闕鵬班螺甲姑自馨  
皇心急士甚暘渴識子會有天眼青

送江州學錄潘興祖

潘生年少醇美資往往湓浦來語違紛紛末學銜華辭  
願汝實學培本基慎獨畏天勿妄爲交朋每事毋誑欺  
狄侯曾作宰相師汝可慕倣終身規

贈楊山人

易言山下有火賁冲暖溫和生萬類  
堊書暗與易意同  
納人死骨乘生氣苟得其術宜深祕  
慎勿求人售富貴  
各有正業惟四民我食我衣自無愧

趙郡李世安母慶九十

李翁八十壽考終李母九十猶女工耳聰目明四體健  
禮賓奉祭饋必躬大兒七十少半百李門諸婿皆如龍  
孫男有六曾孫五才賢衮衮方興隆誰能一家五福備  
信知積厚報必豐子貞學士爲予說作詩聊續十五風

題張郡侯慶壽

八十五歲張子野疆健風流老瀟洒一百餘歲張北平  
含喜乳哺還孩嬰人間大福無如壽張家壽者時時有  
清河郡侯家栢鄉漢宋二張鴻鴈行只今八十又踰五  
未來一百從今數壽星光裏舞斑斕兒孫玉雪翁朱顏  
腰繫黃金身衣紫焜赫天恩耀閭里生封侯國天下榮  
三尊備具身康寧侯家積善已數世顯親肇自殊科使  
殊祥有志晞騫輿晨昏致養親歡愉綺羅筵上開春酒  
賓客駢闐祝公壽喧傳盛事至京師朝士人人爲賦詩  
鋪厨世美誰掾筆董相文章今第一

高堂出郭二舍近午憩東陽安樂鎮雙堤對峙似城墻  
中均一道如壕圳驅車下坂抵均行低平盡處還復登  
半均一門字斗大濱鹽滄鹽兩分界不知此是古黃河  
且行且顧心疑恠前詢父老爲予言河北山東此處分  
濱隸河南滄隸北河流已改界仍存古河來此白馬渡  
東過開州城下去遂入滄河粵魯河入海當年猶此處  
自從六七十年來南趨梁汴會于淮河患古來兗州極  
今日兗州河道塞憶昔初通禹貢時道元漁仲遍參稽  
萬語千言俱紙上親見親聞今指掌振古黃河北道流  
漸漸南移天地秋今遙與淮同入海北行無用濟河舟

吳文正公集 卷之四  
二五  
世事古今大奇變豈但蓬萊更清淺他年欲續山海經  
聊述此詩紀見聞

題東坡載笠着屐圖

白鶴峰前井赤鱗遠徙又化南溟鯤城南白晝魑魅現  
賴有東黎諸弟昆腥鹹滿口無異語似人慙意聊過門  
竹刺藤梢歸路晚濛濛霧雨天欲昏御人不識臧紇聖  
抖擻雨具相温存天涯禹跋不到處要使舊權留新痕  
荷笠俄成牧羊叟誰憐海上屬國孫襄童拍手接籬倒  
庸犬驚吠扶桑暎先生招怪每類此白首幸免長鯨吞  
何人爲作野老像風流不減乘朱轡摘來天仙墮塵網

化身千億難名論我從像外得真相神交心醉都忘言  
題牧牛圖

樹葉醉霜秋草萎童驅馘躐涉淺溪一牛先登舐犢背  
犢毛溼溼猶未晞一牛四蹄俱在水引脰前望喜近隄  
一牛兩脚初下水高未舉後兩蹄前牛已濟伺同隊  
回身向後立不移一牛將濟一未濟且須並濟同時歸  
此牛如人有恩義人不如牛多有之人不如牛多有之  
笑問二童知不知

草廬吳文正公集卷之四十八終



荳廬吳文正公集卷之四十九

樂府詞

臨江仙

九日舟泊安慶城下晚愒臨江水驛于時月  
明風清水共天碧情景佳甚與徐道川方復  
齋况肩吾方清之驛亭草酌子文京侍以殊  
鄉又逢秋晚分韻得殊字賦臨江仙

去歲家山重九日西風短帽蕭疎如今景物幾曾殊  
州城下月未覺此身孤勝友二三成草草只憐有酒無  
菜江涵萬象碧霄虛客星何處是光彩近辰居

謁金門

依韻和孤蟾四闋

如何喜自喜自知可矣天地與人同一理世人知者幾  
六十循還卦氣歲歲二分二至坎險何妨離附麗共誰  
研底

如何樂見孤蟾輪廓莫進箇中難捉摸細尋應會錯  
碎桂吳生善謔管甚高深廣博記取嫦娥端的約當空圓  
不落

如何改認得吾廬堪愛虛敞玲瓏無障礙主人常只在  
得此非因賜賚得此非因賭賽占斷這些閑境界儼來

成不買

如何悟靜看風前雪絮飄落晴光明媚處易晞還似露  
大笑忽然回顧日在天心幾度八萬里中元不暮往來  
經熟路

渡江雲

揭浩齋送春

名園花正好嬌紅殢白百態競春粧笑痕添酒暈豐臉  
凝脂誰與試鉉霜詩朋酒伴趁此日流轉風光儘夜遊  
不妨秉燭未覺是踈狂 范范一年一度爛熳離披似  
長江去浪但要教啼鶯語燕不怨盧郎問春春道何曾

吳文正公集 卷之四十九  
二  
去任蜂蝶飛過東牆君看取年年潘令河陽

木蘭花慢

和楊司業梨花

是誰家庭院寒食後好花稠况牆外秋千晝喧鳳管夜  
燦星毬蕭然獨醒騷客只江蘼汀若當餽羞冰玉相看  
一笑今年三月皇州於底湏歌舞最高樓興味儘悠悠  
有白雪精神春風顏貌絕世英游從教對花無酒這雙  
眉應不惹閑愁那更關西夫子許來同醉香菊

再用韻

正群芳開遍花簇簇藥稠稠看艷杏天桃蒸霞作繡鞦

繡成毬天然素肌仙質對穠粧艷飾似含羞。瓌絕京華  
倦客貪春忘却南州似傳聞天上玉爲樓。此事付悠悠  
且白晝風前黃昏月下爛熳同遊神凝藐姑冰雪又何  
須一醉解千愁自有壺中勝賞釀來玉液新芻

三用韻

好風流詩老雙鬢上雪霜稠憶少壯歡娛呼鷹逐兔走  
馬飛毬春風斷腸柔唱拚千金一笑破嬌羞此日花時  
意氣當年夢裏揚州對客牀百尺卧危樓往事總悠悠  
把湖海人豪消磨變換洙泗天游應知裂麻司業爲首  
時諫舌頗多愁去今却堪痛飲甕頭有酒頻芻

四用韻

看春花烟柳濃又淡少還稠有小巧微蟲垂天布網轉  
地搏毬冲融一般春意只啼鶯語燕向人羞收取塵間  
樂事都歸杓裏舒州下綺筵珍饌醉青樓光景信悠悠  
奈蜻隊蝦群空中聚散水上浮游誰知太和真趣本無  
愁何用更澆愁問字頻來未已漉巾不要親笏

水調歌頭

四垂雲旒暖一夏雨溟濛千竒百恠驚人海蜃眩青紅  
誰道穀成黃石混跡長安紫陌九萬里培風靜夜歛澄  
霽皎月麗天市人問今年年幾許尙童蒙慙癡自笑能

禪造化竟何功豈意京華倦客忽

萊妙唱流響韻

商宮此去兩神劍終久會雌雄

楚語

約離騷

靈宗嬋媯謀高陽篳路藍縷啓南荒祖瑕食屈奕葉光  
蹇予初服雜衆芳蕙纒蘭佩芙蓉裳忍今遺棄官道傍  
靈修收拾充幃囊先後皇輿驟康莊好姘佳麗蛾眉揚  
衆妬謠詠言如簧牛女中道成參商所天不二何可忘  
中腸踴躍如沸湯杖淚哀吟寤后皇下陳羿澆桀紂亡  
上述三后躋虞唐雲旂龍駕環四方終然臨眺悲舊鄉

浮雲蔽日夜未央終不見天老人狂貞人一變宗國疆  
登天有夢魂氣杭國事顛倒衡人張絕齊婚媾親虎狼  
秦關月冷空徬徨輿尸東歸涕泗滂天未絕楚郢有王  
寢苦枕戈膽可嘗不幸言中臣罪當天乎何辜竄江湘  
君恩已矣無復望繾綣惻怛臣所藏九歌天問繼九章  
求仙問卜歌滄浪讒入壅君恨不彰臨絕之音轉琅琅  
一經六傳相頡頏至今光燄亘天長爲千萬世扶三綱  
此經風雅伯仲行九十四章三百七十有六句言言壹  
爲靈修故後世不知原所愬祇把離騷等詞賦模擬逼  
真誰得似元翁胸中富奇字赫赫官稱亦大夫大夫還

反楚三閭三閭當日沉湘意臣僕於人不如死魚腹清  
魂招不回悠悠千古何人哉一死一生同一哀晉士一  
篇歸去來

泗濱四章

泗濱美善長也善長蓋氏而居泗之濱焉

泗之濱兮結屋樹倉倉兮波綠挹其清兮可沐首雖俯  
兮心不覆出杲杲兮東旭晞予髮兮陽之谷就其流兮  
可浴澡予身兮濯予足如垢淨兮莫予敢黷白皓皓兮  
人如玉

泗之濱兮出遊蔭喬木兮頰清流顚顚魚泳兮鳥啁幽

幽風輕雲淡兮書景悠悠馬駢駢兮轡柔蹇予省兮松  
楸野老爭席兮竟日綢繆邂逅蒨人兮猶不忘乎訊謀  
騷天衢兮策驂騶胡於此兮淹留

泗之源兮縈紆經魯阜兮派南洙合流兮舒舒借微潤  
兮澤萬世而有餘沛歌大風兮惟霸之符彭城恃力兮  
子羽噫鳴二雄陳迹兮俛仰已無湯湯自如兮襟帶揚  
徐濁河橫潰兮不與同汗非清沂清淮兮誰與爲徒  
泗之流兮沕瀟逝如斯兮夜繼日風帆兮迅疾千里尋  
常兮往來忽然屈折而東兮奚固奚必沉浮任物兮齊  
出泊八瀟瀟兮汨汨積小成大兮不遺纖悉彌遠彌多

兮靡殫靡畢終然到海兮會萬川爲一

楚歌五闋勸潭士歸鄉

潦徑兮篁叢露沾衣兮翳夫蒿蓬塊獨立兮山中蹇何  
人兮忽予從

袖在兮懷孫閱其馨兮鱸不得聞翦紙兮招離魂坐三  
沐兮三薰

鬢鬆兮尾瑣影隨形兮我我中渴饑兮焦火夢西江以  
供吸兮沙飯顆顆

又

湘水兮沅沅莽千里兮九疑之濇朝朝暮暮兮晴復雨

身文正公集 卷之四九 六  
十年不見兮我心苦

湘竹兮修修淚痕雖乾兮滑欲流天寒歲暮兮之子無  
裊君胡爲兮此淹留

題蘆鴈飛鳴宿食圖

敗蘆兮蕭蕭蕭蕭兮嗷嗷警夜兮沈寥爲一飽兮辱泥  
滓以劬勞鴻冥冥兮九霄侶大鵬兮逍遙

楚語贈歐陽尚古

歐陽尚古將遊孔林遂遊京師壯哉斯遊也吾聞君子  
之愛人以德不以姑息於是作楚語招之其辭曰

嗟嗟子之爲斯遊兮余亦不知其何求工居肆以締造

今農服勤乎畎疇買宅市以貿遷兮商致遠乎車舟繫  
淳古之安土樂俗兮行惘惘而靡由雖中世之賢能兮  
長治亦不出乎鄉州逮春秋戰國兮孔孟皇皇而周流  
蓋聖哲之不得已兮庶幾民病之速瘳彼儀秦妾婦以  
希合兮大丈夫之所羞六一公之違墳墓兮寓於隨而  
藏修竟薦書以策名兮不聞未仕而遨遊令聖代之隆  
盛兮多士咸蒙其庇庶勵行業於家庭兮歛焱舉而雲  
浮繇里選而天府兮脫民伍而贅臯猷又奚僕僕於道  
路兮囁囁於王侯惟孔道之昷陽兮若大明之燭幽瞻  
前後而無不在兮豈在乎堂防之一杯水有太平十二

策兮姑待對於宸旒抱璞而自獻兮仲淹未免乎愆尤  
 歸來歸來兮息藝圃以優優異時快意觀光兮固異乎  
 今日之羈愁歸來歸來兮馴猿放鶴聊淹留亂曰秋風  
 兮嫋嫋莽汀洲兮蘋蓼于何之兮天渺渺珠在淵兮月  
 皎皎冥鴻萬里兮俟于雲表

雜題

題鄭邱心龍頭

冬而沉冥夫孰測其頭角崢嶸也春而奮興又孰測其  
 雷雨發生也時止時行初貞後亨猗嗟客卿善得其情

題況生手卷

欲渡未渡兮崖側夷猶之舟欲到未到兮雲中縹緲之  
樓何時天風冷然臂兩翼瞬息飛步過十州

跋牧樵子草虫

維野有牧見彼于于維山有樵見彼嚶嚶子豈樵夫子  
豈牧豎于何見聞深解蟲趣牧樵子言此論未然聞聞  
見見得者淺淺維蟲能天天固在我非牧非樵亦何不  
可

跋虎溪三笑圖

一溪不過限隔爾我偶接高人容易打破六眼相視大  
笑呵呵法界無邊吾師知麼

吳文正公集 卷之四  
題王氏洗經圖

淨洗淨洗莫留一字併將故紙撇在水裏空手歸來無  
可執把如是如是是了悟者

題東溪周氏畫魚

得所得所鄭相可欺樂也樂也蒙叟安知畫好畫好一  
點千癡

題子昂竹石

匪竹匪石伊松伊雪作如是觀奇絕奇絕

題馬圖

頤首齧蹄昂首欲起誰其御之一日千里

題牧樵子草蟲

入機出機走草飛草真假俱幻元造元造

跋草蟲

嚶嚶趯趯蠢蠢𧈧𧈧誰之所爲自然而然

跋一犁春雨圖

聽人使喚依理耕種稼穡休犯見草休動

跋牧牛圖

齟齬鈎鈎這般頑牛把鼻拽轉尙不擡頭

題飛鳴宿食四鴈圖

前者東後者西好兄弟莫相違

天字高陰風號儘嗷嗷誰汝勞

水深深夜沉沉無人舉火蘆荻林

湖澤卑蒞稻肥何事春來又北歸

宋徽宗二鵲圖

帝皇之世巢可俯窺萬機餘暇及此元微

昔觀二鶴今覩二鵲筆意如生撫卷淚落

題劉壽翁爲予寫真

里人劉壽翁爲予寫真見之者咸曰此朱夫子像也其

有若之似與抑陽虎之似與予爲此愚識者鑒焉草廬

六十翁始生之日題

自警二首前丙寅十八歲作

氣昏嗜卧害非輕才到更初困倦生  
必有事焉常怏怏直教心要強  
惺惺縱當意思沉如醉打起精神坐到明  
著此一鞭能勇猛做何事業不能成

又

元來一片虛靈府埋沒經年滓穢場  
不特通時多走逸覺於靜處亦飛揚  
晝間常被事牽引夜後猶如夢擾攘  
喚起主人翁警省自家三徑不曾荒

題閻皂山

漢吳仙跡兩峯齊欲拾瑤花路恐迷  
寶殿青紅疑地湧

林巒蒼翠接天低九重香案分雲篆八景琅函記玉題  
仙鶴翔空清似水步虛聲在朶梅西

晦庵畫像

義理元微蠶絲牛毛心胷恢廓海濶天高豪傑之才聖  
賢之學景星慶雲泰山喬岳

寧可無頃

風吹枯木不搖水激方輪不動畢竟有木有輪惹起風  
號水湧雖如泡影露電也被眼根覷見諸有都歸變壞  
萬劫一空長在

贈術者自言能通皇極經世書

六合之外大無方一氣所到何渺茫浮陽運轉無停止

濁滓凝結留中央不用安排理自然能知其理爲知天

區區象數特糠粃屑屑推占心愈偏偉哉邵子蓋世英

天光宇泰何靈明南禽聲裏知人事枯樹枝頭識物情

天地中間物幾般古今來往事多端玲瓏樓閣虛空裏

八達四通皆同觀世人膠漆盆中錮趨亦趨兮步亦步

未得逍遙林下心焉能默會環中數風角鳥占世不少

凡是術家皆可了觀海乃令河伯歎登岱始知衆山小

嗟予用功作格致觀書亦嘗到經世窺天豈不見分毫

對人何敢談容易如君幾載江湖客自道有傳并有得

臨別聊陳我一言熟玩之餘細消息

贈金工新學篆別

赤幘白衣逞嬌媚工倭驅歸宋無忌鍊骨範形鐫鑿奇  
花葉龍蛇有生意靈心巧智隨機轉鼎足釵頭得新製  
棗刻逼真瘦與肥朱絲屈盤鬪神麗姓名千里一封書  
萬口洙流天上藝他年鑄就左顧龜倩生爲剔全窠字  
宜黃友人遠遊不反因其投贈用韻招之

君平歸來鳳山巔明月清風相款延窮冬笙簫響松檜  
盛夏霜雪飛湍泉步屨春躋赤松嶺拏舟秋泛黃華川  
賓朋過從亦足樂談王說霸浩無邊詩思發來把酒沃

睡魔寇我呼茶煎人生窮達固有定富貴不在人着鞭  
袍笏堆床錢滿屋一身以外皆可捐從來肉食多肉眼  
千里英雄空叫天能除種種貪癡相是卽生生自在仙  
出門一步便荆棘歸家四壁賸霞煙山高水深橋梁絕  
後左狨右虎豹前投削謁人困細字上書獻策費長箋  
君不見見長安富兒羅葦羶十日一炊稱世賢又不見朱  
輪華轂諸王宅子雲默默守太元歸乎歸乎盍歸乎毋  
上九關兮入雷淵

贈術者

金精山人李方叔到處山頭曾卽足李袁術數景純書

許巫識鑒君平卜談天三寸舌瀾翻相地一雙眸歷歷  
我欲從君問占筭已拚前程任紳縮我欲倩君看骨路  
生出世來知碌碌搜求天下佳山水又怕兒孫不禁福  
布裙掛破芒鞋穿山靈秘護迷人目與君且飲數盃酒  
寄傲荒村老茅屋日月無光天地黑微軀何翅太倉粟  
臂插雙翅背負雲側身北望吞聲哭君不見古來隧道  
獸蹄腥空塚茫茫春草綠

和桃源行效何判縣鍾作

冀州以北健蹄馬一旦群嘶廬霍下睢陽不遇雙貂公  
總是開關迎拜者燎原燄燄春復春不惟捧水惟益薪

海門浪沸會稽圻血淚交流草莽臣舉手日邊遠與近  
不知官守何人問仲連未卽蹈東海元亮至今尙東晉  
菟源深處無腥塵依然平日舊衣巾擬學漁郎掉舟入  
韓良寧忍終忘秦

懷黃縣丞申時避亂寓華蓋山

丞君丞君天一所十日不共床頭語粵從天紀渙散來  
大半英雄化兒女舉世張頤啖糞壤君獨吐之不肯茹  
舉世眯日蒙埃塵君獨去之不肯處大鵬垂翅何人憐  
神龍失水癡獺侮當道林林立虎豹深山處處多蛇鼠  
不堪嘯聚沒復出近來眠食問幾阻奔逃無間天陰晴

腹背浴汗頭沐雨心如清水到底潔身寄白雲深處住  
伯夷叔齊上追蹤浮丘王喬與爲侶洞巖殷殷生風雷  
仙館沉沉鎖煙霧山蔬可羨買米炊何須更學農與圃  
有兒讀書紹家風有客清談忘世務我自遠來亦云樂  
尋又別去徒延佇二親定省不可曠安得終歲矻矻萬  
仞岡頭論今古

忍卦

忍亦上心下○元亨初吝終吉悔亡利君子貞不利小  
丈夫彖曰忍剛發乎內柔制乎外小有所抑大有所益  
也象曰心上有利亦忍君子以含容成德初一必有忍

其乃有濟象曰能忍其性事克濟也次二小不忍則亂  
大謀象曰小不克忍成大亂也次三一朝之忿忘其身  
以及其親象曰一朝之忿至易忍也忘身及親禍孰大  
也次四出於勝下以成漢功韓信以之象曰勝下之辱  
小辱也成漢之功大功也次五張公藝九世同居書一  
忍字以對天子象曰同居之義忍克致也積而九世有  
容德也上六血氣方剛戒之在鬪象曰方剛之氣忍煎  
滅也形而爲閏自求禍也

送樂希魯之高安征官

馬首向高安駢袞耐苦寒聖師會委吏賢相亦征官初

筮寧辭賤修程此發端塵中吟不費有句寄來看

自贊畫像

峩峩元冠肅肅元端人今服古貌醜神完秋霜面目春  
陽肺肝少也弗秉耕莘之耒老而弗持釣渭之竿徜徉  
烟霞泉石之間悠然而有餘歡其自適於樂水樂山者  
歟一吾山人自贊

又

身形瘦削春林獨鶴眼睛閃爍秋霄一鶚遠絕塵滓大  
同寥廓自鳴自秋自歌自樂以爾藹爾之軀誰謂充  
滿六合而有餘以爾熒然之目誰謂周流萬古而不足

舒舒其居也于于其趨也其山林樵牧者乎野之耕築者乎

草廬吳文正公集卷之四十九終



跋

吳臨川先生著述之書亡慮數十種虞文靖公有  
言心術之精微文集具可考見元明之交凡經先  
生論斷更定諸本皆繡梓以公海內其精微者家  
有其書嗚呼盛已至於今未五百歲惟海內藏書  
家藏先生遺書而寶之若拱璧弗肯以視人蓋窮  
鄉僻壤雖有好學深思之士不得見先生全書殆  
二百年先生不爲微渺之詞具足高深之理諷其  
文言近而指遠循其軌自卑而登高其於羣經每  
有更定皆發前人所未發矍然有當於尋繹者之

心後之學者津梁在是而散佚若此其可慨已璜  
自束髮受書頗竊以近鹿洞之居前賢講學風聲  
未墜不敢苟自暴棄先世所遺周子二程子朱子  
張子諸書日熟諷誦之固不能取其中毫毛之益  
爲身心助然藉以資講說亦良自喜更廣求諸儒  
先文集千有餘卷初亦不能知先生之書之富也  
已讀豫章書目始信論者謂先生爲朱子以後一  
人之語不我欺翹然巴陵華蓋之區冀得一至其  
地歲戊辰爲

今上乾隆十三年璜乃以訓導來崇先生遭遇

聖明允廷臣奏議

特命復崇祀已十有二年矣景行嚮往之心必盡得讀

先生遺書以為快顧璣未來十餘年前先生子孫

纔刻先生易經纂言三禮考註孝經章句數種自

餘或有舊本而募工無力併其舊本而無之者十

且五六月季之亂寇火蕩先生家至是

泰階奏平百有餘年所刻數種皆從他所購而募之云

爾先生文集康熙己丑年間其裔孫因求者迫切

倉卒用活板印行所印又不及三百部今崇之存

者約十餘部而已又皆珍藏之不可得而求也先

是邑人常謀梓是集懼無主者費不給事或不率  
逡巡不敢就璜官於此有師儒之責坐聽其地前賢  
教澤不彰負疚於心不啻曠鰥矣爰以董厥事爲  
已任請質於

大中丞胡

方伯王

穉伯朱咸蒙獎借加激勸焉

邑侯華陽王又喜而捐助之

璜

乃毅然開局於三

月八日畢局於七月十五日自春徂秋五閱月而功  
成初先生之從祀

文廟也用慈利縣署教諭蔣明言文集之板舊嘗刻自

學宮

璜

何人敢妄附於前修職業所存藉以

當路大賢表章先賢盛意區區奔走之勞固弗可錄  
底本卽用所印活版規體凌雜字蹟訛漏悉心更  
補其八九而因陋就簡之罪更有不得而辭者矣  
刻成用誌其歲月端末於後四方有志之士由是  
以求先生全書刊布宇內惠茲來學茲刻爲嚆矢  
云

乾隆丙子九月朔日崇仁縣儒學訓導署教諭後

學萬璜敬跋